



BIBL. NAZ

150  
F  
22

102 0-22

~~F~~  
126

~~102 + 51~~

12-301

2

DE  
HISPANORUM  
LITERATURA

AUCTORE  
MARTINO PANZANO  
ARAGONENSI PRESBYTERO.



AUGUSTÆ TAURINORUM

CIO IS CCLVIII.

In ædibus Zappatæ, & Avondi Archiepiscopaliū,  
ac Illustris. Civitatis Impressorum,

VAl 1507535

o( III )o

EXCELLENTISSIMO DOMINO

D. JOSEPHO PIGNATELLI  
ET GONZAGA

MARCHIONI MORÆ



MARTINUS PANZANO.



UOD opusculum Tibi, Mar-  
chio inclyte, ob praclara in  
me amplissimi Patris tui merita, tuamque egre-  
giam voluntatem jure debebatur, tanto illud ego

\* 2

Tibi

*Tibi eidem libentius confecro , quanto videtur  
 genere ipso futurum esse jucundius . Agitur e-  
 nim de Scriptoribus omnigenis , saltem excellen-  
 tioribus , quotquot vel ab ultima memoria in  
 Hispania , qua Te genuit , a primisque annis aluit,  
 ad nostram aetatem usque floruerunt . Ea Tu qui-  
 dem es in patriam pietate , Marchio praestanti-  
 sime , ut nihil , quod ad illius decus pertineat ,  
 non Te capiat , ac delectet vehementissime . Ne-  
 que tui generis claritas , qua Te Regni Proceri-  
 bus inserit , nec tot insignes tituli , majorumque  
 parta virtute gloria , ac splendidissimi hereditas  
 nominis aliter animatum erga natale solum esse  
 Te finit ; nisi forte , qui sit inter suos longe spe-  
 ctatissimus , is quod ad sua Civitatis dignita-  
 tem augendam conducatur , ab se alienum putet .  
 Agitur de optimarum artium , ingeniarumque  
 omnium*



omnium disciplinarum cultoribus , quos quanti  
 Tu facias , ex ardentissimo illo , quo flagras , li-  
 terarum studio satis exploratum existimo . Ne-  
 mo enim non diligit eos , a quibus ejus rei ,  
 quam ipse adfectet , sibi praesidia comparata esse  
 videat : nec quidquam homines hominibus ma-  
 gis conciliat , quam similitudo studiorum , atque  
 conjunctio . Itaque , quum Tu , inclyte Marchio ,  
 etsi nondum ex ephebis excesseris , tamen pra-  
 ter maternam linguam & Latinam , &  
 Italicam , & Gallicam adprime calleas ; ad hac  
 in historia tum sacra , tum profana , unde &  
 sinceram religionem , & civilem prudentiam  
 Tibi hauriendam putavisti , admodum versa-  
 tus sis , iisque rite , Geographiam , & Chrono-  
 logiam adjunxeris ; postremo abstrusiora quaque  
 aut amœnioris Philosophia , aut illarum artium ,

qua disciplina proprie nominantur, arcana feliciter pervaseris, nihilque adeo, quod mentem augere doctrina valeat, Tibi negligendum arbitreris; quis dubitet, quin illarum rerum doctores, eosque Hispani nominis sapientissimos nosse, ac velut in tabella quadam descriptos habere tibi futurum sit longe jucundissimum? Atque utinam, Marchio clarissime, quam Tibi gratum esse scio munusculum hoc, tam dignum quoque tuo nomine, ac patrocinio foret! Sed ea me spes nimirum tenet futurum, ut, etsi ego multo fortasse brevius, & exilius, quam oporteret, rem tantam exsecutus fuerim, eam Tu tamen suo momento sis aestimaturus. Ceterum, quum hoc oneris susceperim eo duntaxat consilio, ut certorum hominum opinio refellatur, qui studia literarum apud Hispanos aut nunquam fere videri

guisse, aut non multum in presentia vigere autumant: satis meo me defunctum muneri putavero, si modo ex simplici Scriptorum omni aevi celeberrimorum serie adpareat, quam parum illi sint in literaria historia versati. Illud vero cum mihi honorificentissimum est, tum juvat maxime, inclyte Marchio, Hispanorum causam tueri, Te praesertim Macenate, cujus nomen sit non apud illos modo, sed & apud exterarum gentes nobilissimum, quique & divino quodam ingenio, & aurea sane indole, & longe aetatem praeventente judicio, & ceteris dotibus, qua generosissimum quemque adolescentem deceant, jam nunc ostendas quanto futurus olim sis patriae decori, & emolumento. Erit autem hoc, quidquid libelli est, animi pignus erga Te mei, Marchio praeclarissime. Quo vultu excepturus opusculum

o(VIII)o

*culum es , pro tuo erga literas , literatosque  
amore , pronissimaque voluntate , eodem quoque  
auctorem excipe , tuoque praesidio deinceps fo-  
vere hominem perge , qui & Tibi addictissimus  
est , tuique praeclentis ingenii admirator maxi-  
mus , & Patri tuo amplissimo debere se pluri-  
mum professus nihil non ejus , & tua causa se  
facturum pollicetur , ut ne cui unquam aut of-  
ficio , aut sibi quoquo modo defuisse videatur .*

**E**GREGIUM de re Hispanorum literaria Commentarium

Cl. Viri MARTINI PANZANI studiose, nec sine humanissimæ voluptatis fructu perlegi; quippe politissimus Scriptor acri, limatoque judicio, multaque eruditione sic est in patriis, domesticisque laudibus versatus, ut singulare suum in bonas artes, ac disciplinas studium perspicue declararet, earumdemque dignitati mirifice consuleret. Valde etenim ad literarum decus, & commendationem pertinere videtur, ut ejus gentis, quæ ingenii præstantia, magnitudine animi, rerumque pace, ac bello gestarum gloria perpetuo floruit, præclara etiam, nec unquam interrupta in Rempublicam literariam promerita non eruditiorum tantum hominum admiratione, & plausu, verum & populari nationum omnium prædicatione, & fama decorentur; quam ad rem cum plurimum sane momenti sit Vir cl. brevi, nitidaque sua scriptione allaturus, dignam hanc censeo, quæ communi literarum bono, & ornamento in lucem prodeat.

Ex ædibus S. Dalmatii die 5 Martii An. 1758.

HYACINTHUS GERDIL

*In Regio Taur. Athenæo Theologiæ Professor.*

OPTIMUM de Hispanorum literatura Commentarium  
 Viri cl. D. MARTINI PANZANO lubentissime legens,  
 nitidum authoris stylum, dicendique artem admira-  
 bar, sed magis adhuc patrium ipsius animum singula-  
 ri cum modestia, & æquitate conjunctum. Quum  
 enim suis de Hispanis ageret, qui studiorum laude  
 florere, ipsorum cogitandi, agendique rationem no-  
 bis tacite exhibuit, apud quos summarum etiam in  
 literis, æternarumque ardor rerum semper fuit, le-  
 vium contemptus. Eam sane gentem, tot olim do-  
 mesticis quassatam bellis, tanto deinde imperio au-  
 ctam, in tanta diffidorum, diversorumque sociorum  
 regendorum cura, prope nunquam armis positis,  
 post omnes mundi partes victoriis peragratas, de  
 utriusque fortuna orbis semper cogitantem, fuisse ad-  
 huc tamen tum severioribus de studiis, tum etiam  
 de literis amœnioribus sollicitam sera mirabitur po-  
 sterioritas. Quamvis vero præclaram ejusmodi comple-  
 xionem rerum nemini ignotam esse satis constet,  
 acceptissimum tamen, jucundissimumque futurum hunc,  
 si

si edetur, libellum reor; quum & plurima, quæ notissima aliquando nobis sunt, si vere ea amamus tamen, sique vere colimus, summa cum voluptate sæpe auribus, sæpe oculis subjicere, nostrumque sæpe in animum revocare soleamus. Ita censeo..

Augustæ Taurinorum VI. Kal. Martii MDCCLVIII.

F. CASTUS INNOCENS ANSALDI

*Ord. Prædic., olim in publico Ferrariensi Athenæo,  
nunc in Regia Augustæ Taur. Acad. S.T. Profess.*

**E**XIMUM de re literaria Hispanorum opusculum a Dom. MARTINO PANZANO elaboratum non sine jucundissimo voluptatis sensu perlegi, & styli elegantiam cum mira eruditione, perfectoque judicio conjunctam summo opere admiratus sum. Quum vero præstantium omni doctrinarum genere virorum notitiam completatur, utilissimum illud futurum esse arbitror tum ad vindicandam ab imperitorum calumniis Hispanorum sollertiam in scientiis pertractandis, tum ad exercitanda istorum ingenia, ut acrius, graviusque in optimarum artium studia incumbant, & a pristino splendore, dignitateque non recedant. Optandum idcirco, ut quam primum lucem aspiciat, & literatorum oculis subjiciatur, a quibus summam erudito auctori laudem, amplissimumque honorem tribuendum esse non dubito.

FRANCISCUS BERTA

*Regii Taurinensis Athenæ Bibliothecæ Custos.*



QUAMVIS OMNIS ADHIBITA SIT  
diligentia, ut specimen hoc de Hispanorum litera-  
tura absque ullo impressionis vitio committeretur  
absentia tamen Auctoris casu facta ante hujus li-  
belli editionis finem: inusitata etiam apud exteros,  
Hispanarum vocum nomenclatura nonnullos pro-  
creavit errores, qui tibi Lectori benevolo  
correcti exhibentur inferius.

<i>Fol.</i> ...	<i>Errata</i> .....	<i>Corrige</i> .....
10....	Florum Poetam misisse. ....	<i>Irrisisse</i> .....
23....	Alfon. à Castro Prædicatorum. ....	<i>Ordinis Observantia</i> .....
Ibidem.	Ledesma.....	<i>Rodericus de Osma</i> .....
Ibidem.	Castro Palaus.....	<i>Alfonfus à Castro</i> .....
Ibidem.	Dicastillus.....	<i>Didacus Castillo</i> .....
Ibidem.	Lorinus.....	<i>Loret</i> .....
25....	Philosophiæ parte.....	<i>Theologia parte</i> .....
30....	Philosophiam veterem.....	<i>intellige Ethicam</i> .....
31....	Jacobus Cujacius.....	<i>Jacobus Calicius</i> .....
40....	Petri de Tapia.....	<i>Petri Terreri</i> .....
Ibidem.	Johannis de Avila.....	<i>Joannis de Avila</i> .....
49....	Forca.....	<i>Tosca</i> .....

*Fol.*

<i>Fol.</i> ...	<i>Errata</i> .....	<i>Corrige</i> .....
56....	hactenus de historicis.....	<i>hact. de Philosophis</i> .....
60....	Fofca.....	<i>Tofca</i> .....
Ibidem.	Virum celeberrimum.....	<i>adde March. de Sancta Cruce</i>
61....	Gregorius Juam.....	<i>Georgius Juan</i> .....
Ibidem.	Anton. de Villosa.....	<i>Antonius de Ulloa</i> .....
63....	Michael de Salinas adventum.	<i>Adventum Divi Jacobi</i> ...
	Christi Dñi. ac Divi Jacobi, &	<i>Ac Pradicationem</i> .....
65....	Rolin.....	<i>Raulin</i> .....
71....	Emmanuel de Laranuen.....	<i>Emmanuel de Laramendi</i> ..
73....	Lopes de Veca.....	<i>Lopez de Vega</i> .....
77....	Quarcilafus.....	<i>Garcilafus</i> .....
80....	Gregorius Mayanius.....	<i>Gregorius Mayansius</i> .....

Cætera ut *f.* por *x.* vel *x.* pro *f.* i. lat. pro *y.* græc. & alia hujusmodi

... si invenias patienter leges, & pie corriges,



DE  
HISPANIS  
SCRIPTORIBUS.



Osteaquam sum ex Hispania profectus; nihil mihi fuit antiquius, quam ut de rebus ad optimatum rerum studia pertinentibus cum quibuscunque possem aliarum gentium illustribus viris sermones conferrem, eorumque inter se disputationibus, & congressibus interesssem: Quod quanquam mihi semper fuit jucundissimum, non parum tamen doloris, ac molestiæ attulit, quod sæpius animadverti non deesse homines, qui licet Hispanos religione, pietate, bellica fortitudine;

A

animi

animi constantia, & fide præstare ultro faterentur; tamen literarum, scientiarumque laude reliquis Europæ populis longe inferiores existimarent, prædicarentque apud nos non jacere tantum bonas artes, ac disciplinas, verum ad eas colendas, augendasve omnem nobis aditum patriis moribus, institutisque præcludi.

Quam quidem querimoniam quum non constanti aliqua ratione, sed rerum potius nostrarum. ignorance niti comperissem, in id me patriæ caritas impulit, ut ejus dignitati pro viribus consulens, præjudicatam illam opinionem, veritati perinde, atque Hispani nominis gloriæ adversam, brevi sermone depellere satagerem. Quod hoc maxime tempore faciendum putavi, quum Augustissimi Regis judicio, munificentia, auspiciisque bonarum artium studia insignibus plane honoribus, ac præmiis aluntur, instaurantur, novaque in dies incrementa accipiunt. Scilicet Princeps invictissimus, quem singulari Dei Optimi Maximi munere Hispania ductorem,

✠ III. ✠

ctorem, ac parentem, publicæque felicitatis auctorem accepit, nihil excellenti magnitudine animi sui dignius, nihil populorum salutis accommodatius existimavit earum omnium disciplinarum amplificatione, quibus homines ad multarum, utilissimarumque rerum scientiam, atque adeo ad sapientiam, & prudentiam, ad æquitatem, ad omnem denique humanitatem informantur. Hinc porro Academiæ toto jam orbe celeberrimæ, quæ a primo ortu adultam maturitatem adeptæ videntur; hinc viri ingenio, & eruditione præstantes jussu, largitateque Principis peregrinationes instituerunt, ex quibus abundantes fructus, & conquesta undique doctrinarum adjumenta in patriam referrent. Obversantur quidem omnium oculis, velut clarissima in luce posita, immortalia hæc Regis sapientiæ monumenta, omniumque gentium laudibus, ac linguis celebrantur. Verum adhuc manet præjudicata illa, planeque insita opinio, proximis superiori-

✠✠ IV. ✠✠

bus ætatibus, quibus Italia, Gallia, Germania, Britannia tot tantosque progressus in literis habuere, solam Hispaniam situ, ac barbarie quasi obsitam, perstituisse. Sed quandoquidem animadverti ejusmodi opinionem primum ex eo natam, quod multi dicunt, severioribus quibusdam legibus, maxime vero Sanctissimo Quæstorum Fidei Concilio, libertatem impediri omni literarum generi, Criticis; Philosophis, Poëtis, Oratoribus pernecessariam; exinde autem confirmari, quod non adeo multi ex Hispanis in alias regiones libri importentur, videaturque fama de Scriptoribus nostris pridem obtuuisse, operæ pretium me facturum spero, si paucis demonstravero primum literarum omnium, ac disciplinarum cultum Hispanorum ingenio, & indoli quasi natura coherentem ab remotissima usque memoria in Hispano solo floruisse, neque unquam interruptum ad hæc postrema tempora, perpetuo viguisse. Deinde nihil a vero disjunctius, quam

quam quod præjudicata, quam dixi, opinio multis persuasit, patriis nostris legibus libertatem coerceri, quam literæ desiderant; sed effrenem duntaxat licentiam amputari, non minus veris bonarum artium; ac disciplinarum progressibus, & ornamentis, quam religioni, & morum sanctitati inimicam, & repugnantem. Demum certam rationem patefaciam, quamobrem gentis nostræ minus, quam reliquarum nationum literaria monumenta vulgari fama celebrentur. Licet vero non accuratum hoc loco texere indicem animus est Scriptorum Hispanorum (neque enim Bibliothecam instituendam suscipio); tamen partim percensendis illustriorum quorundam Scriptorum nominibus, partim delibandis præcipuis eorundem commentariis, egregiisve in rempublicam literariam meritis, necesse mihi erit in ea prima parte paullo diutius immorari.

Hispa-

**H**ispanam sane gentem vel a vetustissimis temporibus literarum gloria floruisse auctor est locupletissimus Strabo Geog. lib. 3. qui de Turdetanis loquens ait : *hi sapientia putantur excellere , & literarum studiis utuntur , & memorandæ vetustatis volumina habent , poemata , leges quoque versibus conscriptas e sex annorum millibus , ut ajunt ; cæteri quoque Hispani usum habent literarum .* Quo loco tamen exaggeratum est, quod de legum Hispanarum antiquitate Strabo ex vulgari fama retulit ; tamen vel ipsa ejus vetustatis opinio argumento est a remotissima hominum memoria literarum studia non sine multa laude apud Hispanos viguisse . Sed , ut eam ætatem prætereamus , cujus monumenta cæca jam premit obli-  
vio , illud certe affirmare possumus , quo tempore Romani literis clarere cœperunt , solos ex occiduis populis Hispanos in ejus gloriæ partem venisse . Fas est memorare Porcium Latronem , a quo , ut refert Quintilianus l. 10. , judicio Senecæ tot egre-



✧ VII. ✧

gii declamatores, qui secundum ingenii Augusti seculum illustrarunt, facile superati sunt: Julium Hyginum Bibliothecæ ejusdem Augusti præfectum, Ovidii familiarem: Turanium Graculam scriptis olim clarum, quem laudat Plinius lib. 3.: Sextilium Henam, vel Heminam, qui poeticam facultatem coluit: Moderatum Columellam rusticarum rerum scriptorem diligentissimum, poetamque sane haud inficetum: Pomponium Melam, qui tres de situ orbis perelegantes libros perscripsit, facemque Plinio, Solino, aliisque prætulit: scilicet viri docti de præstantissimo Geographo ita existimarunt, ut quum Straboni eruditionem tribuerent, Plinio diligentiam, artem Ptolomæo, huic uni omnia concesserint.

Quin & præclara hæc est laus Hispanorum, labentes, aut in præceps quasi ruentes literas apud Romanos sustinuisse; etenim Romanæ eloquentiæ decus fere jam obliteratum revocasse visus est M.

Fabius

✠✠ VIII. ✠✠

Fabius Quintilianus summis viris dictus Orator Maximus, & gloria Romanæ Togæ, qui versatus in foro maxima virtutis, & ingenii commendatione primus publica auctoritate in publico gymnasio Rhetoricas institutiones tradidit summa quidem tum laude; eoque munere functus est per annos viginti; quibus elapsis, quum in honestissimo otio ad scribendum animum appulisset, libros præsertim edidit de oratoria institutione, quibus nihil eo genere absolutius fingi potest. Huic autem nihil defuit vel ad summam doctrinam, vel ad singularem eloquentiam. Quo uno facem præferente, etiamsi Cicero, Romanæ parens eloquentiæ, deesset, perfectam consequeremur scientiam recte dicendi.

Philosophiam L. Annæus Seneca sic tractavit, ut non modo Stoicorum acumen, subtilitatemque in differendo sit adsecutus, verum acri, & vehementi dicendi genere, ac velut micantibus (ita dicam) ideis ad virtutis amorem, ad constantiam, & fortitudinem,

nem, ad humanarum rerum dispicientiam unus omnium maxime accendere, ac quosdam in animis veluti aculeos relinquere videatur. Hic de rebus etiam naturalibus docte scripsit, adeout quæ a summis Physicis nuper sunt de Cometis constituta, acri ipse intelligentia, vulgaribus erroribus contemptis, præoccupaverit. Floruit eodem quoque tempore tragœdiarum scriptor Seneca ( aliusne sit, an idem ille Philosophus præstantissimus, de quo hætenus dictum est, non satis constat inter eruditos: certe ex eadem Annæa gente fuit ): is autem unus apud Latinos, quorum opera superfuerint, Euripidem, atque Æschylum Romana, ita dixerim, Civitate donavit. Huic adjungendus ex eadem familia M. Annæus Lucanus, qui, auctore Quintiliano, *ardens, & concitatus, sententiisque clarissimis excellens, in concionibus admirandus, atque excultus adeo, ut videatur satis exprimere singularem illam elegantiam, & majestatem Virgilii.* Martialem commendat

Plinius, quem dicit hominem ingeniosum, acutum,  
 & qui plurimum *scribendo & satis haberet, & sellis,*  
*nec candoris minus;* quicum merito nominandi Canius  
 Rufus Gaditanus, Decianus Emeritensis, Licianus,  
 Voconius Victor, ut Silium Italicum præteream,  
 quem Italiæ vindicare nonnulli student. Sed Hispanorum in re literaria laudem mirum in modum  
 amplificaverunt Trajanus, & Adrianus Imperatores,  
 uterque de terrarum orbe optime meriti, uterque  
 literarum, & literatorum amantissimi. Quia &  
 Adrianus literas impense coluit; pro Italicenſibus  
 enim municipiis suis frequenti Senatu, gravi, copiosaque oratione eum cauſam egisse refert Gellius;  
 Spartianus autem testatur falſissimis verſibus Flo-  
 rum Poëtam miſſiſſe: ad hæc manſuetioribus hiſce  
 literis ille quidem ſeveriora ſtudia Philoſophiæ,  
 & Matheſeos adjunxit, quibus adeo delectabatur,  
 ut in ejus Aulam, tanquam in Lyceum, vel Aca-  
 demiam, præſtantiffimi Philoſophi diſputaturi con-  
 veni-

venirent. Hoc imperante, historiam illustravit L. Annæus Florus ex eadem, ut creditum est, gente; unde orti erant Senecæ; quem brevem, & corruptum Historicum appellat Julius Celsus, multique acerrimi judicii viri in deliciis habuerunt. Illorum vero Principum, quos paullo ante commemoravi, vestigiis institit Theodosius Magnus, qui originem a Trajano duxisse perhibetur. Hujus videlicet eximia virtute Hispania magnificam hanc laudem a Pacato claro viro retulit: *terris omnibus terra felicior, hæc durissimos milites, hæc experientissimos Duces, hæc facundissimos Oratores, hæc clarissimos Vates parit, hæc Judicum mater, hæc Principum est.*

Jam vero, posteaquam cœlestis religio per Hispanias mature propagata nostrorum animos ad divinarum rerum studia transtulit, quam multi Antiflites, Doctoresque sapientia juxta, & vitæ sanctimonia floruerunt, quos inter splendidissima Ecclesiæ lumina jure ac merito recensendos putes?

Damasum dico Pontificem, quem nuper vir doctissimus, magna cum sui nominis, tum totius gentis nostræ laude, Hispaniæ luculentissime adseruit; Hosium Cordubæ Episcopum, magnum scilicet illum, & quasi germanum Conciliorum patrem, quem Constantinus, cui erat in deliciis, cum literis suis ad Alexandrum Alexandriæ Episcopum, & Arium misit, ut exortam inter eos *de æqualitate filii Dei cum Patre* discordiam, priusquam altiores ageret radices, sedaret, comprimeretque. Quam quidem legationem, aliasque id genus non paucas tanta sua cum gloria, tantoque cum populorum fructu absolvit, ut a Sancto Athanasio vir gravissimus, doctissimus, atque omnium pater Episcoporum dicatur. Inter ejus opera, quæ ad Christianam Religionem propius pertinent, epistolam habemus pulchro, ac diserto comptam eloquio, quam ad Sororem perscripsit suam *de laude Virginitatis*. Aliud præterea extat opus egregio quidem sensu, & ingenio elaboratum

de

«X XIII. X»

*de interpretatione Vestium Sacerdotalium, quæ sunt in veteri Testamento.* Verum dies me potius, quam oratio deficeret, si innumera Cordubensis hujus Episcopi merita vellem recensere. Ut suis aliis etiam relinquatur locus, ad Paulum Orosium Tarraconensem veniamus, qui Hieronymo, & Augustino fuit acceptissimus. Hic historia illustranda mirifice religionis causam juvit septem conscriptis libris contra gentes, quibus Græcorum, Romanorumque res gestas eo potissimum texuit consilio, ut Ethnicorum calumnias, quæ Christianis calamitates publicas imputabant, refelleret. Hic etiam opere apologetico *de arbitrii libertate* Pelagianam hæresim profligavit. Quid Dextrum, atque Idacium referam. Historicos? Quid Prudentium? Quid Juvencum insigni, maximeque illustri natum familia, quem Divus Hieronymus ut elegantem, & eruditum Poëtam commendat? Quid Avienum, Marro-  
nianum, Dracontium Poëtas quoque celeberrimos?

mos ? Quid Pacianum Episcopum, qui profligatis Novatianis immortalem gloriam Barcinonensi Ecclesiae comparavit ? Apringium, Justum Urgelit-  
num, aliosque non paucos, ne longus sim nimis, prætereo. Verum reticenda nequaquam sunt fulgentissima illa Hispaniae lumina, Leander scilicet, & Isidorus Hispalenses, Fulgentius Carthaginis Ecclesiarum Antistes, fratres, a quibus tam verbis, quam scriptis Gothica fuit, & Hispana gens e cimmeriis Arianismi tenebris ad dias veræ fidei oras reducta.

Miseratione digna ea procul dubio videntur tempora, quibus Arabes Hispaniam crudelissime invaserunt; hisce tamen præstantissimi quoque floruerunt viri, quos inter merito recensendus Beatus Presbyter una cum Uxamentis Episcopo Heretio, qui duobus celeberrimis, doctissimisque in Elipandum Episcopum Toletanum libris *de adoptione Christi Filii Dei* immortalem sibi famam, ac gloriam compararunt;



Isidorus Pacensis, Eulogius martyr, de quo hæc habet Alvarus Cordubensis: erat vir ille in omnibus professionibus principaliter, & non medie decoratus, cunctis ex æquo deserviens, & quum præiret omnes scientia, humilior certe etiam infinis videbatur . . . . Quæ illi non patuere volumina? Quæ potuerunt eum latere ingenia Catholicorum, Philosophorum, Hæreticorum, nec non & Gentium? Bonitum Episcopum Toletanum, Prudentium Trecensem, aliosque non paucos omitto, quorum eo major laus, quod nullis Christianarum scholarum, nullis, aut valde paucis exemplorum a viris excellentibus venientium subsidiis adjuti, & ad colenda studia invitati, vere uti flores in arido, & horrenti spinarum campo germinare visi sunt. Nec mediocrem profecto laudem consecuti sunt celeberrimi illi, qui paullo post floruerunt, Divinorum librorum veteris Testamenti enarratores, quorum testimoniis innituntur sæpe recentiores Christiani interpretes ad eruendos sacrarum  
 lite-

literarum sensus , enodandam Bibliorum phrasim ;  
 illustrandas Hebraicæ gentis antiquitates , nec se-  
 mel etiam ad Christianam ex eorum fumo lucem  
 proferendam , & adversus ipsos confirmandam .  
 Hos inter eminere videmus Mosen Maimonidem  
 Cordubæ natum , Abrahamum Aben - Ezra To-  
 letanum , quem Arias Montanus Philosophum , ac  
 Medicum eruditissimum , Sacrorumque Librorum  
 sua lingua Commentatorem illustrem appellat . Da-  
 videm , & Mosen fratres Kimkios , quorum primus  
 Auctor est celebratissimi , & utilissimi *Micblot* ope-  
 ris , sive *Theauri linguae sanctæ* . Alter vero in gram-  
 maticis non contemnendam , nec Davidis fratre  
 indignam auctoritatem apud eruditos sortitus est .  
 Mosen Gerundensem complurium operum clarum  
 Scriptorem , Jonam Cordubensem Grammaticum  
 perfectissimum , Judam Levitam libri Cozri au-  
 ctorem , aliosque tantum non infinitos .

Postea-

Posteaquam vero Barbaris Europam occupantibus atrâ sub caligine oppressa literarum studia videbantur, primas veluti scintillas Hispania excitavit, quibus e diuturnis tenebris in lucem revocarentur; nam quidquid apud Arabes vigebat adhuc eruditionis, & doctrinæ nostri avidè exceperunt; indeque Dialecticæ, Arithmeticæ, Mathematicæ; Philosophiæ, naturalis historiæ elementa ex Hispano solo in reliquas Europæ partes commigrarunt. Averrois præsertim opera effectum est, ut celebrari cœperint Aristotelis libri, qui Rhetoricæ; Poeticæ, Dialecticæ fontes uberrimi habentur. Cujus etiam philosophi naturalis historia cum veterum, tum recentiorum, atque in primis clarissimi Domini De-Buffon Parisiensis Academici judicio & admirabilem rerum copiam continet, & absolutissimum exemplar ejus pertractandæ præbet. Averroes ipse cum alia multa, tum celebrem illam *continuationis* legem extulit, in qua excolenda

Leibnitius, alique recentiores non parum sibi plaudunt.

Sterilefcere nimis quidem visus est Hispaniæ campus, quum inter armorum strepitum, ac belli gerendi necessitatem ab omni studiorum genere avocabantur Hispani. Profligatis vero deinde hostibus, eaque animis restituta tranquillitate, quam literæ expostulant, non pauci florere in unaquaque facultate excellentes doctrina viri. Primas tenent Rodericus Præsul Toletanus, Lucas Tudensis, Dominicus Prædicatorum author, Raymundus Pennafortius, Raymundus alter Martini, Bernardus Compostellanus, Antonius Paduanus, Alphonsus Rex, cognomento Sapiens. Nec minorem consecuti sunt famam, qui jam laudatos subsecuti sunt viri doctissimi. Hos inter merito recensendi Alphonsus Hispalensis Præsul, Franciscus Ximenius, Alvarus Pelagius, Johannes Segobien- sis, Paulus, & Alphonsus Burgenfes Episcopi, Jo-  
hannes

hannes a Turrecremata . In longum nimis abiret oratio mea , si eos vellent recensere omnes , qui hac ætate excelluerunt viri omni doctrinarum genere præstantissimi . Celeberrimas tantum addere satis erit Academias , Salmantinam scilicet , Complutensem , Conimbricensem , & Valentiam , quæ nominis sui gloria , & fama cunctas implerunt orbis terrarum partes . Quoniam vero earum historiam minime texendam hoc loco suscipimus ( neque enim tanto ferendo oneri vires nostræ sufficerent ) , nonnullos ad rem nostram demonstrandam ex tota Hispania viros per singula doctrinarum genera excellentes recensebimus , qui fidem nostram liberent .

Primum sacris literis intelligendis , atque interpretandis nemo ignorat quantum Hebraicæ , Chaldaicæ , aliarumque linguarum notitia , criticæque studium præsidii , ac momenti adferat . Hanc vero partem egregie ornavit omnium consensu Fran-

ciscus Ximenius Cardinalis, & Archiepiscopus Toletanus, qui incredibili ingenii, ac animi magnitudine præditus, celeberrima illa Biblia Complutensis, incredibili sumptu, ac magnificentia, edenda curavit, insignemque Compluti Academiam, quæ Theologica studia potissimum coleret, excitavit. Quoniam vero de magni hujus viri institutis mentionem injecimus, admonet nos eorum recordatio, ut ei parem virum adjungamus Cardinalem Ægidium Albornotium Toletanum Archiepiscopum, qui in doctissima Italiæ urbe Bononia pro Hispanis Collegium extruxit, e quo clarissimi semper viri prodierunt: tum illis animi magnitudine non inferiorem Johannem Baptistam Vives, qui, quum Urbanus VIII. moliretur animo Collegium illud, seu Seminarium de propaganda fide, in quo ex omnibus fere populis futuri apud exteras gentes Christianæ veritatis præcones educarentur, & literis, doctrinisque ad tantum munus necessaria-

cessariis maxima cura imbuerentur; omnes possessiones suas unacum domo, quam elegantissimam habebat, Pontifici Maximo ejus rei causa obtulit, ut proinde tanti operis initium Hispano nomini deberi celeberrimi Scriptores testatum relinquere non dubitaverint.

In ea Theologiæ pertractandæ methodo, quæ adstricta quadam ratione, & ad Dialecticæ regulas exacta divina dogmata exponit, quid sit congruens, quid repugnans rite aperit, primas tenent Alvarus Pelagius, Johannes Cardinalis a Turrecremata, Græcorum præsertim erroribus in Florentino Concilio profligandis clarus; tres cognomento Medinæ scriptores illustres, Johannes Theologus Complutensis, quem doctorem egregium Soto nominat, Michaël ex Franciscana familia, Bartholomæus ex Dominicana; Bartholomæus Casagravissimis cum Sepulveda disputationibus celeberrimus. Soto uterque, Dominicus, & Petrus Victoria,

ctoria, Melchior Canus, cujus elegantissimum, numerisque omnibus absolutum opus de locis Theologicis nova quadam luce, ac decore sacram disciplinam cumulavit. Eodem loco censendi Alvarus, & Lemos, qui disputationum, quæ de divinis auxiliis habitæ Romæ fuerant coram Pontificibus Maximis Clemente VIII., & Paulo V., & quarum ille pars magna fuit, historiam conscripsit. Atque veteres quidem isti, tametsi Scholastici vulgo audiunt, minime propterea dogmaticam tradendæ Theologiæ rationem neglexerunt, sed utramque admirabili quodam rerum nexu ita colligarunt, ut & rationibus auctoritatem illustrarent, & auctoritate rationem confirmarent. Sane quisquis e Suaresio doctissimo, ac plane absoluto Theologo loca Scripturarum, & veterum Patrum, quæ ab eo duntaxat citantur integra referret, Græce, Latineque describeret, is Theologicum cursum dogmaticum ederet, qualem

Peta-



Petavius, Thomassinus, alique deinceps extulerunt. Eodem loco censendi plane Vasquesius, Valentia, & qui Polemicæ pertractandæ viam, ac rationem præmonstravit Alphonsus a Castro, Ordinis Prædicatorum-insigne decus, & ornamentum.

In exponendis autem sacrarum literarum mysteriis, atque difficultatibus enodandis diligentem operam navarunt Rodericus Ledesma, Castro-palaus, Paulus Burgensis, Dicastillus, Alphonsus Toftatus Abulensis, Thomas Maluenda Didacus Hispalensis Archiepiscopus, Pererius, Lorinus, Salmeron, Maldonatus. In sacra, & profana eruditione cum linguarum, & critices studio conjuncta; in vertendis, & explanandis veterum sive Ethnicorum, sive Christianorum monumentis emicuerunt Benedictus Arias Montanus, Ludovicus Vives, Antonius Nebriffensis, Nonius Pintianus illustri Guzmanorum gente oriundus, e cujus ludo prodire græce, latineque docti homines non pauci,

pauci, Leo Castrus, Cardinalis Mendocius, Christophorus Sulla, Hieronymus Surita, Johannes, & Franciscus Vergara fratres, alique.

Historiam Ecclesiasticam doctissime scripsit Alphonsus Sanchez, Thomas De-Herrera, Alvarus Gonzalez, Davila, Alphonsus Ciacconius, quem Gregorius XIII. Pontifex Maximus, ob egregia ejus in Theologicam facultatem merita, inter eos adnumerari voluit, qui supplicibus pœnitentiam vice Apostolica imponerent. Ejus historiam de vita, gestisque Pontificum Romanorum, a D. Petro usque ad Clementem VIII., Cardinaliumque etiam cum eorum insignibus, quam profecutus est Franciscus de Cabrera Morales, qui jam Græcas, Latinasque Salmanticæ docuerat literas. Nec minorem hac in re laudem promeruerunt jam laudatus Benedictus Arias Montanus, qui Judaicas præscripsit antiquitates, Franciscus de Padilla, Gabriel Lafo de la Vega, Hieronymus Roman, qui Ec-

cle.

clesiasticam Hispaniæ Historiam, Hieronymus de Mendiera, qui Indianam, aliique non pauci, qui peculiarium Ecclesiarum historias conscripserunt.

In disciplina morum pertractanda multam quoque sunt laudem consecuti Martinus ab Aspicueta, Navarrus eximie sanctitatis, & doctrinæ vir, ac non iustæ modo, sed & scrupulosæ conscientiæ, qui ab antagonista quodam suo eruditione insignis, semperque in scholis versatus, & omnes sui temporis Canonistas excedere dicitur. Sanctius etiam cum Johanne Medina, Toletio, & Lugo Cardinalibus, Corduba Roderico, Ledesma, Dicastillo, Azorio, Castropalao, aliisque bene multis de hac Philosophiæ parte non mediocriter meritis.

Eam porro Theologiæ partem, quæ Ascetica nominatur, nemo sane commendavit magis Ludovico Granatensi, Johanne Avila, Francisco Aria, Rodriguesio, aliisque bene multis, quos longum esset enumerare. Qua de re præstat audire judi-

D

cium

cium amplissimi viri Cardinalis Bentivolii epist.  
ad Tobiam Mathei Anglum, in qua hæc habet:  
*sono valent' uomini gli Spagnuoli nelle composizioni spi-  
rituali, e non so come la lingua ancora porta con se  
maggior peso con la sua gravità per imprimere le cose.*

In Canonum scientia quis non facile principem  
agnoscat Sanctum Raymundum de Pennafortem,  
cujus diligenti opera, & studio Gregorii IX. jus-  
su Decretales collectæ, atque in certum ordinem  
redactæ prodierunt? De jure porro & Canonico,  
& Civili, deque omni politiorum literarum, &  
eruditionis genere quam insigniter est meritis An-  
tonius Augustinus, cujus domum assidue discendi  
gratia frequentabant, quemque non tam ut Ma-  
gistrum, quam velut oraculum suscipiebant Octa-  
vius Panagathus, Gabriel Faërnus, Onuphrius Pan-  
vinus, Pyrrus Ligorius, Paulus Manutius, La-  
tinus Latinus, Fulvius Ursinus; qui, ut olim  
Quintus Mutius Scævola, sic a viris sui ævi pru-  
den-

dentissimis Jurisperitorum eloquentissimus; & eloquentium jurisperitissimus est nominatus. Jura præterea mirifice illustrarunt Didacus Covarruvias, Gregorius Lopezius, Franciscus Sarmientus, Emmanuel Costa dictus Hispaniæ Papinianus, Petrus Barbosa, Ferdinandus Mendoza, & quis omnes recenscat?

Excellentibus hisce juris antecessoribus non immerito adscribendi, qui politicam prudentiam, seu regendarum Civitatum scientiam coluerunt. Hos inter Gratianum eminuisse, Petrum Bellugam, aliosque satis magno numero, omnibus est compertissimum.

Sed & hic obiter animadvertendum ducō, quæ a celeberrimis tota Europa viris de jure naturali, ac gentium, velut a Puffendorffio, & Grotio, qui vulgo habentur ejus facultatis principes, edita sunt, multo ante fuisse a nostris non minus accurata, quam docta, & subtili ratione per-

tractata , maxime autem a Francisco Victoria ; Covarruvia , Vasquesio , Dominico Soto , Ludovico Molina , aliisque præstantibus viris , a quibus recentiores istos multa esse mutuatos facile cognoscet quisquis eorum opera inter se contulerit . Quin etiam nonnullos frequenter laudat modestissimus perinde , ac doctissimus Grotius .

In medendi arte , rerumque naturalium scientia præstantissimi semper habiti sunt Franciscus Vallesius , Christophorus a Vega , Nicolaus Monardus , Ludovicus Mercatus , Johannes Fragosus Toletanus , Andreas Laguna Segobienfis permultorum admodum operum author eximius . Inter præstantissima autem ; quæ typis mandavit , recensenda in primis est *Anatomica methodus* , tum *Galenæ omnium operum* , exceptis iis , quæ in Hippocratem composuit . *Epitome Galenæ vitæ ad Johannem Aguilera Pauli III. Pontificis Max. Archiatrum . De ponderibus , ac mensuris libellus . Epitome omnium rerum , & sententiarum* ,  
quæ

*quæ notatu dignæ in commentariis Galeni in Hippocratem extant. De contradictionibus, quæ apud Galenum sunt, tractatus. Adnotationes in Galeni versiones, quæ sua ætate prodierunt. Methodus cognoscendi, extirpandique nascentes in vesicæ collo carunculas. Adnotationes in Dioscoridis salsam a Johanne Ruellio interpretationem. Epistola apologetica ad Johannem Cornarium. Vicius ratio Scholasticis pauperibus paratu facilis, & salubris, aliaque non pauca jam laudatis non minus utilia, atque præstantia.*

Profecta vero, ut superius dixi, a nostris, atque in alias inde regiones propagata Mathematicarum rerum studia, retinere nostri atque colere nunquam prorsus destiterunt. Commendandi sane in Arithmetica Hieronymus Munotius, Johannes Perezus, Moja, Johannes Martinez Siliceus. In Geometria Didacus Perezus, Mesa, Jacobus Falco, Andreas Garzias de Cespedes, Petrus Nonnius. In Musica Franciscus Salinas cæcus. In Astronomia, eidemque subjectis Geographia, & Nautica

An-

Antonius Noxara , Petrus Crivellus , Petrus Nonnius jam laudatus , cujus eximium inventum rei Nauticæ opportunissimum frequenti adhuc Nautarum admiratione , & usu celebratur. Tum Petrus Medina , Bartholomæus Antistius , Rodericus Zamoranus . Bellicæ artis tormentariæ , equestrique præcepta tradidere Didacus Gracian de Alderete , Didacus de Salazar , Ferdinandus Ciacconius , Franciscus Roman , Ludovicus Gutierrez de la Vega , alique .

Philosophiam cum veterem , tum novam nostri diligenter excoluerunt . Et quidem vetus illa plerisque nostrorum temporum delicatioribus hominibus spinosior fere , ac bonæ frugis experts videri solet . Aliter tamen sensit inter ceteros clarissimus Leibnitius , quem quidem illi velut elegantioris plane Philosophiæ cultorem egregium agnoscunt , veneranturque ; quippe qui dicere solebat

*Scholastico sub pulvere aurum non raro latere optimum ,  
prociude-*



*proindeque ex illorum fontibus hortulos suos irrigavisse. Ea porro instructi penitus fuerunt quotquot fere superius enumerati sunt majorum gentium Theologi. Præter eos vero Martinus Azpilcueta, Ferdinandus Vasquius, Franciscus Sarmientus, Jacobus Cujacius, Petrus Barbosa, Franciscus Calda-Pereira, Johannes Guterius, alique innumeri. Novam autem Hispanos coluisse diligentissime, utilissimeque lypis, ita dicam, notum est, atque tonforibus.*

Erunt fortasse qui nostris non ægre severiores illas disciplinas concedant, quæ acumen, quæ subtilitatem, quæ laborem, & patientiam desiderant, humaniores vero, politioresque literas invident, quæ gustu quodam exquisitiore continentur. Sed si libuerit singula bonarum artium genera percurrere, non dubito sane, quin ab errore, in quo hætenus versati sunt, deduci se se facile pariantur. Extulit enim se ex Hispano etiam solo uberrima quædam, lectissimaque, ita dicam, præstantissimo-  
rum

rum id genus Scriptorum feges, atque offert se se in primis jam laudatus Ludovicus Vives, quem inter tres viros ætatis suæ, Reipublicæ literariæ constituendæ aptos, communis fama, Doctorumque hominum iudicium ita collocavit, ut non infimus ei gradus tribueretur. Nam quum Budæo ingenium, Erasmo dicendi copia concederetur, Vivi iudicium, quod quanti re in omni valeat nemo ignorat, tributum est. Occurrunt deinde alii, ut Johânes Andreas Straneus in reconditiore literatura versatissimus, antiquitatis præsertim cultor eximius, qui colligendis veteribus numismatis diligentem operam insumpserat, atque in hac excolenda eruditionis parte aliis exemplo fuit. Tum Johannes Baptista Agnesius, D. Hieronymi, adversus Erasmi obrectationes, strenuus defensor, & Johannes Baptista Cardona Præsul amplissimus, qui de dyptichis commentarium scripsit, consiliumque de instituenda Bibliotheca ad Philippum II. Regem; quo

quo mira brevitare, perspicuitate, & elegantia rei diplomaticæ fundamenta, & semina complexus est. Tum Alphonsus Garzias Matamorus, qui eruditionem Hispanam egregie vindicavit, & asseruit: Petrus Rhua Numantinus, qui somnia dispulit, infelicesque conatus compressit Guevaræ omnem antiquitati fidem derogare molienti, ubi a sacris literis discesseris. Quo labore ille, quam pulchre de republica literaria sit meritus vel ex eo intelligi potest, quod quum deinceps non desuerint inter externos, qui Guevaræ audaciam imitati vetustatis monumenta omnia pervertere aggressi sint, eorum insaniæ, ne se se latius diffunderet; doctissimi viri jampridem editæ lucubrationes vehementer oblitterunt.

Grammaticarum jam, atque criticarum institutionum lectissimos authores habemus Emmanuelem Alvarum, Franciscum Sanctium, Petrum Hunnesium, ut illos nunc præteream, quos jam

E

superius

superius commemoravi, qui gravissimis de rebus disputantes, partim vertendis veterum scriptis, partim implicatissimis difficultatibus enodandis, Hebraicæ, Græcæ, aliarumque orientalium linguarum se peritissimos probaverunt.

Nec minor Rhetorum, Oratorum, Poëtarumve copia; quorum Latinam alii, alii patriam linguam ornarunt. Ex illis Oratoribus nominasse satis sit Johannem Petrejum, quem Andreas Navasquesius quum audire voluisset, eum Italis aliquando eloquentiæ laudem prærepturum ingenue confessus est: Andream Semperium, quem Sardi eloquentiæ præceptorem, & institutorem magnis præmiis evocarunt. Inter eos vero, qui patriæ linguæ venustatem, copiam, majestatem scriptis suis velut immortalibus monumentis consignarunt, eminent præsertim Ludovicus Granatensis, Didacus Hurtadus Mendoza, Hieronymus Surita, Ambrosius Moralis, Michaël de Cervantes, cujus factes,

les, ac leporem aliarum gentium scriptores per-  
multi sequi eo scribendi genere instituerunt, con-  
sequi nemo ullus, ipsis fatentibus, valuit.

Poëtica jam facultate excelluerunt. in primis  
Garzas Lafus de la Vega Lyricorum Poëtarum no-  
strorum facile princeps, cujus & Latina carmina  
digna fuerunt, quæ a Petro Bembo, Jovio, aliis-  
que summopere commendarentur. Tum celeberrimus  
Gongoras, Didacus Hurtadus Mendozius jam  
laudatus, Antonius Lupius, aliique. Sed hic etiam  
libenter utar exterorum judicio, ac testimonio: fa-  
tentur sane recentissimi Scriptores Drammaticæ  
Poëseos perfectissima exempla a nostris primum  
prodiisse hominibus, ex quibus exteri haud pauci  
non iam imitando, quam prope describendo plera-  
que in lucem ediderunt, quæ ignoratis auctoribus  
nullam, ipsis autem editoribus immortalem glo-  
riam pepererunt.

**H**Actenus præstantissimorum virorum , qui superioribus seculis rem literariam editis monumentis illustrarunt , studia , doctrinam , eruditionem in oculis , conspectuque omnium exponere conati sumus ; siquidem hæc aptissima visa sunt ad confirmandam Hispanicæ gentis in scientiis , & bonis artibus excolendis industriam , eorumque opinionem refellendam , qui amplissimam illam regionem tenebris undique conspersam , barbarisque semper moribus implicatam fuisse dictitare audent. Qui profecto si ad celeberrimas olim Hispanicæ Academies , unde summi in omni doctrinarum genere auctores prodierunt , & uberima librorum seges procreata est , animum converterent , non tam facile in hanc iniquiorem sententiam adducti fuissent. Neque desunt exterorum testimonia ab omni suspitione vacua , quibus compertum omnino sit , quam sublimiorum ingeniorum ferax fuerit Hispanica tellus . Sive enim

Italos,

Italos , five Gallos , five Germanos optimæ notæ  
 Scriptores consulas , eorum opera Hispanorum lau-  
 dibus , encomiisque plena invenies . At dicet quis  
 postremis saltem hisce seculis imminutum fuisse  
 præclarum illud literarum studium , ac cæca qua-  
 dam caligine illorum animis offusa paullatim a  
 bonis artibus alienos factos . Ego vero nunquam  
 intermissam optimam illam studiorum rationem ,  
 Hispanosque hac nostra ætate majorum suorum se-  
 dulos usque imitatores fuisse contendo , seu divi-  
 narum , seu profanarum rerum cognitionem perse-  
 cuti sint . Ac si de Theologicis , quidem disciplinis  
 loqui juvet non unquam defuere quorum in sacris  
 interpretandis scripturis diligentiam , vel in tuen-  
 dis Christianæ religionis principiis , & refellendis  
 Hæreticorum cavillationibus subtilitatem , atque  
 constantiam vel denique in morum doctrina ex-  
 plicanda , & tradendis sanctioris vitæ præceptis  
 gravitatem , sapientiamque magnopere laudandam  
 putes .

putes. Quid quod juris Civilis, & Pontificii cognitio tanto semper apud ipsos in honore fuit, ut eximia, quæ de hac scientia ediderunt, commentaria sollicitè ab omnibus juris utriusque studiosis exquisantur, summoque habeantur in pretio? Quæ autem cum juris publici plurimam conjunctionem habet historia adeo luculenter ab iis pertractata est, ut res gestæ non legi, vel audiri, sed plane usurpari oculis videantur, & quod capus est, maximam semper auctoritatem, ac fidem obtinuerint. Neque vero Philosophia, quæ vere omnium artium parens est, non habuit extremis hisce temporibus in Hispania cultores suos, eosque acerrimos, ac studiosissimos; nam sive Dialecticam veri, & falsi quasi disceptatricem, ac judicem, sive Metaphysicas disputationes altioris sapientiæ principiis indagandis aptas, sive multiplicem Physicarum exercitationum utilitatem ad cœlestium corporum motus dignoscendos, & naturalium rerum causas inve-



investigandas mente complectamur, nihil intentarum nostri homines reliquerunt, quominus singularem eo genere doctrinae laudem consequerentur: Quod autem attinet ad humaniores literas, dicendique facultatem innumera exstant monumenta, ex quibus perspicere facile potest, quam felici veterum imitatione Hispani homines aurei saeculi candorem, ubertatemque expresserint.

Itaque non abs re fore mihi visum est celebrioribus, qui in unaquaque disciplina posterioribus huius saeculis floruerunt, Scriptores, hoc loco recensere, certasque in classes divisos lectorum oculis subicere. Hinc enim meridiana luce clarius fiet procul omnino a veritate abesse praconceptam nonnullorum de Hispanis opinionem, tum viguisse semper, & adhuc vigere apud eam nationem optimarum artium studia immortales fructus datura: Ut autem eodem, quo in priori usi sumus, ordine progrediamur, libentissime hic ego Hispanorum indicem

dicem texerem, qui maximam Theologiæ, jurisque tum civili, tum canonici scientia laudem consecuti sunt, nisi me a proposito ipsimet Hispaniæ obrectatores dimoverent. Non enim adeo insanire volunt, ut negent fuisse apud Hispanos & numero quamplurimos, & dignitate gravissimos in memoratis disciplinis doctores. Volant profecto per omnium ora inclyta, ut a Jureconsultis exordiar, nomina Hieronymi Gonzalez, Francisci Penna, Johannis de Carthagena, Johannis Montalegre, Gabrielis Alvarez de Vellasco, Johannis de Castillo. Quam vero ingesserunt isti opinionem de Hispanorum peritia in juris tum Civili; tum Canonici fontibus aperiendis, satis superque etiam confirmant egregia opera Josephi Santolaria, Emmanuelis Barbosa, Antonii de Fuentes, Josephi Vela, Josephi Pellicerii, Petri de Tapia, Bernardi Oliverii, Johannis de Avila, Didaci Francisci de Villalva, Petri Valiente, Em-

Emmanuelis de Aramburu , Petri Josephi Perez Equitis Ordinis de Calatrava ; aliorumque . Tam vero illi docte , tam solide , tantaque eruditionis copia scripserunt , ut ab iis etiam maxime commendari sint , qui ceteroquin Hispanorum studia parvi faciunt . Quid nunc Theologos , aut spiritualis vitæ Magistros enumerem , aut quis in ea facultate hospes adeo est ac peregrinus , ut ignoret egregia opera Dominici Bannezii , Gabrielis Vasquez , Benedicti Pereira , Ferdinandi Bastida , Johannis de Lugo , Johannis Martinez de Ripalda , Cardinalis Aguirre , Antonii Arbiol , Jaimi Corella , Johannis Marin , Thomæ Madalena , Emmanuelis Navarretti , Emmanuelis Villarrocël , Bernardi Vargas ? Adde his Alphonsum Rhodericum , Ludovicum a Ponte , Ægidium Gonzalez , Ludovicum de Palma , Eusebium Nierembergium , aliosque innumeros , quorum elogia proferre nimis longum foret , & ab eo , quem

initio proposuimus, sine alienum; quum nemo unus illos omni laude dignos esse non ultro fateatur. Ut itaque ad alia faciamus transitum;

Philosophiam quotquot sunt de re literaria optime meriti, nobilissimam esse artem agnoverunt, eamque scientiis aliis acquirendis summopere necessariam prædicarunt. Hinc vere dixeris regionem illam, cujus apud incolas nullo sit ea in pretio incultam omnino, barbarisque Scythis comparandam esse. Hispanos homines si non osores, saltem veræ Philosophiæ ignaros haberi a plurimis atque contemni, me non latet. Jure ne, an immerito id fiat, subinde breviter ostendam. Illud autem in primis solatio mihi est, quod prope omnes fateantur, faterique debeant floruisse semper, & etiam nunc in Hispania vigere Philosophiam, quæ vulgo Scholastica nominatur, a qua cæteroquin artes reliquæ perspicuitatem quamdam, & ordinem mutuatae sunt. Rem hanc, si  
a pro-

✱XLIII.✱

a propofita brevitate digredi placeret, urgerem vehementiffime adverfus illos, qui exili, ac minus diligenti ratiocinatione contenti res ipfas permifcent, peffimeque confundunt, & Philofophi tamen haberi volunt. Profecto non Phyfica modo, verum etiam Dialectica, Metaphyfica Philofophiæ partes funt; neque perfectus Philofophus exiftimandus eft is, qui Phyfica quædam experimenta in medium proferens vel nullam de illis reddat rationem, vel nullam id præftet methodo, ac via. Quod fi inter tot Scholafticos Philofophos quos Hispania numerat, plures fortaffe ineptos efle contendas, tantum id ego fcire velim ubinam gentium ita floruerint artes, ut ex earum cultoribus nemo intra mediocritatem confiterit, omnes ad unum fuerint excellentiffimi. Interim illud libenter accipio, quod unanimis omnium confenfus probat, Hispanos fcilicet in Scholaftica Philofophia facile principes fuiffe. Quum autem ea par-

res duas complectatur, easque nobilissimas, tamen si excolta naturalis scientia magnopere non fuisset, non inde sequitur exulasse prorsus Hispania Philosophiam, nisi forte hoc nomine una Physica intelligatur. Neque si Physicæ scientiæ ignari omnino nostri homines una ætate, vel altera fuissent, quod falso jactari satis evincunt vulgata passim virorum ingenio, doctrinaque præstantissimorum opera; ob eam rem tamen non adeo fidenter barbara, & inculta regio vocanda esset Hispania. Quis enim provinciam aliquam, vel nationem afferre queat, quæ vel semper, vel in omni liberali arte, optimisque disciplinis floruerit? Sed hæc cursim, & non ex instituto.

Venio nunc ad illos præstantissimos homines, qui, superiori seculo, tum hac nostra ætate & magnum Hispaniæ honorem, & maximam Philosophiæ candidatis lucem præclarissimis suis laboribus adtulerunt. Si omnes ego in medium profer-

re

re vellem; ultra modum, quem ab initio præf-  
nivi, opus excresceret. Quapropter ab ea, quam  
hactenus profecutus sum, via non discedam, pau-  
cis in præsentia contentus. Occurrit autem in  
primis Rhodericus Dosma Delgado Pacensis, qui  
linguarum Biblicarum, idest Chaldaicæ, Hebrai-  
cæ, & Syriacæ notitiam, præter Græcam, Lati-  
nam, Italam, atque Gallicam, non sine maximæ  
omnium admiratione, cum Matheseos, & rerum  
Physicarum studio conjunxit. Clara illius elogia à  
viris cum dignitate, tum scientia gravissimis ex-  
scripta hic referre supervacaneum puto; satis e-  
nim illum commendant luculentissima ejus opera  
typis edita anno 1708. Eadem profecto de caus-  
sa multa, eaque disertissima prætermitto elogia,  
quæ data legimus Antonio Ponce Santa-Crucio,  
Didaco Perez de Mera, Andreæ Garziæ de Ce-  
spedes, Petro Fernandez de Torrejon, Vincentio  
Marinerio, Cypriano Maroxa, Johanni Martinez  
del

del Prado . Quam bene meriti de re Philosophica Hispani isti fuerint , elenchus ipsorum operum , quæ a Nicolao Antonio citantur , invictissime suadebit . Quæ scripta sunt ab Hippocrate , ad Physicam pertinentia , quæque Galeni , & Avicennæ fuerit doctrina , philosophice horum primus exposuit ; secundus autem plures in Nauticam , in omnes fere demonstrationes Geometricas , & in Arithmeticam libros scripsit , & Aristotelis Physicam in compendium redegit ; tertius , nempe Andreas Garzias de Cespedes , Geometricorum quorundam instrumentorum , quæ tum ipse , tum alii recens invenerant , usum explicavit . De aquæ ductibus etiam , & de vi tormentorum bellicorum plura disseruit , Vincentius Marinerius , quem Escorialensi Bibliothecæ custodem Mattitensis Aula destinavit , tredecim posteritati reliquit super variis Philosophorum sententiis dissertationes ; remque Physicam nonnihil illustravit accurata de animalibus ,



malibus; eorumque partibus historia, quam post ejus obitum publici juris fecerunt Physicæ facultatis amatores. Johannes Martinez del Prado jam laudatus, quique magnum inter Dominicanos nomen est consecutus, Philosophiam non sine laude professus est, proficeturque adhuc editis de hac facultate tomis quinque, in quibus obscurissimas tum Metaphysicæ, tum Physicæ quæstiones solidissime enucleavit. Si per tempus liceret, aliquos adhuc, ex innumeris aliis seculi superioris Philosophis, breviter commemorarem; ad Hispaniæ tamen dignitatem vindicandam adversus ipsius obrectatores satis sunt Alvarus Alphonsus Barba, Antonius Sala, Antonius a Matre Dei; Johannes Azorius, Johannes Episcopus Mindonensis, Johannes Caramuel, ac Benedictinorum, & Purpuratorum Patrum splendor, & decus Cardinalis Aguirre. Quam fuerint hi rerum ad Philosophiam pertinentium periti, statim videbis, si Struvium, &

Ni-

Nicolaum Antonium adeas. Scio equidem in eorum operibus plures etiam ex illis quæstionibus reperiri, quas per contemptum Peripateticas vocant recentiores aliqui, idest, horum sensu, inanes prorsus, nulliusque ponderis. Tales enim, ita usu omnia ad arbitrium moderante, habendas esse volunt disputationes, quas vel non legant apud Cartesium, Gassendum, Merzenium, Nevvtonium, Graveſſande, Noletum, aliosque, vel implexas non videant Algebraicis difficultatibus, atque Geometricis confarcinatas demonstrationibus. Scio, inquam, plures ex his quæstionibus reperiri apud Hispanos, de quibus est sermo; at non ideo e censu Philosophorum erunt expungendi. Habent suam quoque hujusmodi quæstiones utilitatem. Eas ex instituto agitarunt Angelicus Doctor, Scotus, Baconus, uterque Soto, Suarezius, alique celeberrimi viri ad Barbaros certe non amandandi. Spe-

ro autem, nec immerito, censores istos, quem hactenus contra Hispanos exercuerunt, styllum, facile abjecturos esse, si libros in Hispania paucis ab hinc annis editos, depositis partium studiis, adire velint. Vincentius Forca in brevissimo isto catalogo primum locum obtineat; Philosophiam corpuscularem scripsit ad Gassendi placita elaboratam, in qua corporis proprietates detegit, generales regulas, secundum quas moveri corpora dicuntur, perpendit, & corpus ipsum sibi examinandum proponit; phænomena innumera usque ad evidentiam explanat, &, quæ a majoribus hausit circa res naturales, falsa judicia solidissime corrigit. Quare factum, ut tanti viri Philosophiam & magnopere semper laudaverit, & typis edendam curaverit vir clarissimus Gregorius Mayans. Quam assiduam speculationi rerum Physicarum operam dederit Antonius Aloysius de Medina facile conjicies ex ipsius de nutritione humani cor-

G

poris

poris tractatu, quod opus plane est Medicis; æque ac Physicis utilissimum; illius enim author dum Medicum agit, Physicum quoque eximium se probat. Mirandos in Philosophia progressus fecit Johannes Baptista Berni, quorum testis est conscriptus ab eo liber de Philosophia naturali.

Age vero enumeremus alios, qui gloriæ, & immortalitati propria nomina consecrarunt, non solum propter omnigenam, qua floruerunt, florentque adhuc, eruditionem; verum etiam propter innumera, eaque solidissima de rebus Physicis relictæ monumenta. Quanta dicendi copia opus esset, si pro dignitate laudare vellem Emmanuelem Marti, Ludovicum Loffada, Martinum Martinez, Benedictum Feijoo, Emmanuelem a Conceptione, aliosque. Laudatorum primus Valentiz in ea disciplina adeo excelluit, ut communis esset eorum, cum quibus in scholis versabatur, opinio, nihil esse in studio, cui vacabat, tam arduum, atque

atque a vulgari cogitatione remotum ; quod ipse non pervaderet ; nihil tam reconditum , atque implexum , quod mira facilitate non solveret. Roma deinde profectus , quam hauserat in patria , Physicarum rerum notitiam prodidit bis decem Elegiis , quibus titulus Amalthea Geographica . In eis explicatas leges plantarum , herbarumque naturam , atque eleganti stylo exposita quæ alii de metallis , insectis , piscibus , atque serpentibus disseruere , frigoris præterea , & caloris causas , proprietates , & affectus clarissime demonstrata miraberis. Composuit pariter tractatum de animi affectionibus , minime contemnendum , quem merito vivam illarum imaginem appelles . Eximii hujus operis Reipublicæ literariæ copiam fecit , adjuncta laudati Gregorii Mayans præfatione , excellentissimus apud Hispaniæ Regem Britaniæ Legatus sub anni superioris finem vita functus. Ludovicus Lossoda Soc Jesu Sacerdos , & in Salmanti-

cenſi Athenæo Theologiæ Profeſſor , duos de re Philoſophica libros edidit. Si tantisper in amæniffima ipſorum lectione immoreris , proſecto diſces , quam accurate verſatus fuerit in diverſis Philoſophorum Principum ſiſtematis , tum quam ſincero , & ſubtili judicio vera ſecernens a falſis propriam exponat , propugnetque ſolidiſſimis rationibus ſententiam : & , quod laude dignius eſt , ignorare ſe ( cui enim mortalium de Phyſica univerſa ſine ullo errore diſſerere datum eſt ? ) quædam phænomena fateri non erubeſcat ; quod incertum eſt ita pertractans , ut pro utraque parte ſententias referat , quin ullam earum ut certam ſtabilire audeat ; quæ veritati conſentanea docuerunt Gaſſendus , Nevvtonus , aliique recentiores ſubtiliſſimo examini ſubjicit , & quæ ut dogmata nullis probationibus nixa aſſeruerunt , quia vel omnino fictis , vel incertis quidem , ut plurimum experimentis uſi ſunt , prope ad evidentiam reſellit .

Mar.

Martinus Martinez Medicæ societatis Hispalensis Prætor suæ in Physicis peritiæ tot testes reliquit, quot exstant libri (exstant autem complures) ab eo de hisce rebus conscripti, in quibus legere est tum veterum, tum recentiorum Philosophorum placita mirum in modum enucleata undecim nitidis, nec sane injucundis Aristotelicum inter, & Carthesianum Gassendistam scepticum dialogis. Scripsit etiam non infeliciori Minerva Philosophicam historiam; de natura, & proprietatibus corporis naturalis, totiusque orbis terreni, & coelestis propria phænomena investigavit. At ejus ingenii acumen ibi magis enitet, ubi ex instituto solvendam sibi proponit, libello ad hoc spectatim elaborato, implexam illam quæestionem: *an insit brutis animâ sensitiva*. Anatomicarum circa humanum corpus observationum nobis copiam facit, additis quibusdam experimentis, & tabulis, in quibus idem corpus, ejusque structura descri-

bun-

bantur . Benedictus Feijoo summus olim Benedictinæ familiæ Abbas , sacrarum literarum , & Theologiæ professor emeritus tomos , nec exiguos , ultra duodecim , quibus titulus , *Theatrum criticum* , scripsit . Passim , neque contemnendas , reperies in eis Physicas aliquas , atque Geometricas difficultates enucleatas , quarum solutionem solidis explicatam rationibus , & ex plurimorum Philosophorum libris petitam habes . Tanti viri memoriam non sine honore recolunt quotquot ipsius librorum lectioni navarunt operam . Josephus Vazquez de Morales ex Gallica in Hispanicam linguam transfudit , quæ circa electricam machinam , ejusque mirandos æque , ac inexplicabiles effectus Noletus edidit ; quam profecto interpretationem noster non parum exornavit , addita , quam ipse scripsit de electricitate , historia , in qua omnes fere , qui hactenus de hac re disseruerunt , authores commemorat . Andreas Picquerus magnam sibi gloriam comparavit



vit vel extra Hispaniam propter editam ab se Logicam, Physicasque dissertationes, quas in duos tomos distribuit. Hujus viri nomen plurimis efferunt laudibus Diarii. Parisiensis authores. Mathæus Aymericus in Barcinonenſi Soc. Jeſu Collegio Scholaſtica Theologiæ Profeſſor inter optime meritos de Philoſophia jure numerandus erit ob ſuas, quas duobus ab hinc annis ſcripſit, proluſiones. Germanum veræ Philoſophiæ ſpecimen in eis reperies: nam poſtquam Arabum vitia in tradenda hujusmodi ſcultate deploravit, quæ vera ſunt exponit, quæ falſa magno rationum apparatu refellit, de veteri æque, ac recentiori Philoſophia differens. Quod adeo feliciter Doct̃or iſte præſtitit, ut laudatorem ſibi meruerit clariffimum virum Hieronymum Lagomartinum in opere, quod vulgavit de Julii Poſgiani epiftolis, & orationibus.

Vellem, liceret hic mihi a propoſita brevitate diſcedere; fuſiori calamo, qualem merentur ipſo-

rum

rum opera , & labores tantorum hominum laudationem adornarem . Aliqua etiam exponerem circa litteratorum virorum Academias , quæ sub inclyto Rege Ferdinando VI. munificentissimo bonarum artium patrono identidem excitantur in Hispania . Quod si facerem , sperarem profecto fore , ut eorum numerus , qui audacter nimis incultos , barbarosque prædicant Hispanos , magna ex parte minueretur .

Haftenus de Historicis , in quibus commemorandis diutius fortasse sum immoratus , quam res postularer ; transitum nunc faciam ad Medicos . Hos si vellem recensere omnes , dies me potius , quam oratio deficeret : nonnullos igitur tantum obiter indicabo , ut ei coactus inserviam brevitati , quam hujusce temporis circumstantiæ præscribunt mihi : rem statim adgrediamur . Quantum Hispanis authoribus medendi ars præstantissima debeat vel ipsi fatentur Itali ; primas autem tenent , ut excellentes hac in re existimant viri ,

Bernar-

Bernardinus de Aregon ; a quo in lucem prodiit methodus , vel praxis applicandi infirmis remedia , deque horum consolatione , Christophorus Perez de Herrera , Alphonfus de Freilas , qui de curanda amovendaque peste doctissime scripsit , atque elegantissime Simon Bamos , qui utilissimum , numericque omnibus absolutum de sero lactis , & Phryfana tractatum edidit ; & invektivam præterea apologeticam miscellaneam in Gasparem Calderam , de interpretatione verborum Plinii , aliaque non pauca eximia opera scripsit , acute admodum , atque eleganter . Tum Petrus Pereda Valentinus , qui in Michaëlis Paschalis methodum curandi morbos scite animadvertit , & merito , quique sex præstantissima in libros Galeni edidit commentaria de morborum , atque symptomatum differentiis , & caussis . Petrus Manceho a Guado qui de tristitia , ejus signis , & curatione , utilissimum , rarissimumque publicavit librum . Petrus Michael de Heredia plu-

rimis , egregiisque operibus editis celeberrimus Michaël de Borbon , Martinus Martinez , Antonius Rodriguez , Andreas Piquer , Petrus Leo Gometius , Franciscus Garzias Hernandez . Uno me expediam verbo , quantum de facultate hac fere divina Hispani sint meriti & gravissimorum Auctorum , & ipsius etiam R. S. P. A. testimoniis luculentissime patet .

Si de Mathematicis , Geographicis , & illis , quæ ad historiam eorum pertinent , sermonem instituamus , quem fugit quanta cum laude versatus sit eruditissimus Antonius de Herrera Tordesillas ? Hic multa scripsit ea diligentia , & elegancia , ut de eo vir summus Gerardus Vossius scribere non dubitaverit : *neque enim alius majori fide , & industria observavit fines Provinciarum , & magnitudinem maris tractus , promontoria , insulas , fluminum flexus , ostia , & portus , lacuum amplitudinem , regionum situm , ratione tum vicinorum tractuum , tum etiam Celi . Item proventus singularum ,*

*rum, quæque ad urbes, & propugnacula pertinet. Optime quoque de hoc doctrinæ genere meritis est Andreas Garzias de Cespedes novis inventis ad altitudines, atque distantias dimetiendas geometricis instrumentis celeberrimus, ut eximios ejus de conductione aquarum tractatus prætermittam. Quid referam Johannem Caramuellem, qui de novem syderibus circa Jovem visis scripsit doctissimum, ac præstantissimum librum, cui titulus, *Mathefis aulæ*, nec non egregium mathematicum cursum, publici juris fecit, & pleraque alia scripta diligenter elaborata posteris reliquit, ex quibus uberrimi in omnes facultates fructus redundarent. Non minorem sane hac in re laudem sunt consecuti Paullus Cibramonte, Ludovicus de Miranda, Paullus de Mera, Petrus de Syria, Bernardus Vargas, Josephus de Sesse Aragonius, qui generalem totius orbis, & peculiarem Terræ Sanctæ descriptionem edidit, tum Petrus Porter Cassanæ mathematica-*

rum, æque ac Nauticarum rerum peritissimus, Ludovicus Pacheco summus istius disciplinæ Doctor; qui Philippum IV. æternæ memoriæ Principem instituit, Mathematicæ scientiæ præceptis imbuit. Offerunt se se deinde alii benemulti, quos inter non inferiorem tenent locum Peralta, Gamboa, Vellasco, Medrano, Revillas, alique, quorum magnifica mentio apud Regiam Scientiarum Parisiensem Academiam, ac præ ceteris Vincentius Fosca, quem Mathematicum insignem appellat Moreri, cujusque numeris omnibus absolutum Mathematicæ quantam afferre valeat Matheseos studiosis utilitatem, ii norunt omnes, qui præstantissimam hanc doctrinæ partem vel a limine salutarunt.

Venio nunc ad virum ingenii acumine, doctrina, probitate celeberrimum, cujus præclara in literariam Rempublicam merita si commemorare velim omnia, diutius multo, quam propolita brevisitas patiatur, mihi certe esset immorandum:

unum

unum duntaxat illius aureum opus, *singulari doctrina*, & summo artificio elaboratum, proferam; quod totius bellicæ scientiæ corpus jure quidem merito Langletus vocat. Silentio nequaquam sunt prætereundi viri clarissimi, omnique laude digni, Gregorius Juam, atque Antonius de Villosa. Quum enim Galliarum Regis jussu ex Parisiensi Academia peritiores Mathematici delecti essent, ut Americanam regionem meridiani gradus ad æquatorem dimetiendi causa peragrarent, a Philippo Hispanorum Rege invictissimo, ingenuarum artium, ac disciplinarum amantissimo, facile impetrarunt, ut illis se se itineris comites, & adjutores adjungerent. Quo circa accuratissimam ipsi quoque dimensionem doctissimis commentariis in lucem prodiderunt, unde exterorum omnium admirationem, & plausum consecuti sunt, simulque eruditis omnibus probaverunt insignes Mathematicos alere Hispaniam, quos

facile

facile aliarum gentium Principibus in ea facultate viris opponere queat.

Jamvero, ut Ecclesiasticam percurramus Historiam, quam egregie de ea meritus sit Franciscus de Padilla summus Theologiæ Doctor, norunt ii omnes, qui eximia illius opera perlegerunt. Præterquamquod enim Conciliorum omnium accuratam tradidit chronologiam, Ecclesiasticam quoque Hispaniæ universæ historiam ornare, candideque scripsit. Quæ ad Ecclesias omnes, Monasteria, & Nosocomia pertinent, viginti duobus voluminibus complexus est Antonius Zaßpata Segobricensis. Hispaniarum autem, necnon Indiarum Ecclesias simul conjunxit Ægidius Gonzales de Avila, ipsarumque originem, & progressum magno labore investigavit. Joseph Jaësus de Aguirre clarissimus Ecclesiæ Romanæ Cardinalis Hispanica Concilia in unum collecta, atque editis dissertationibus locupletata publici juris fecit, maximamque sibi famam com-

pa-



paravit. Atque hi universas quidem Ecclesiarum Hispaniensium res executi sunt. Quod autem ad singulas partes pertinet, Petrus de Sandoval in recensendis Pampelonensis Ecclesiæ Episcopis, & Gabriel de Sesse in Barbastrensis Episcopatus illustranda historia nemini profecto cesserunt. Michaël de Salinas adventum Christi Domini, ac Divi Jacobi prædicationem in Hispania adversus Cardinalis Baronii opinionem luculentissime vindicavit. Balthasar Porvens, & Petrus Salassar de Mendosa de Toletanis Archiepiscopis multa cum laude scribere adgressi sunt, ipsorumque vestigiis gloriosissime insisterunt Johannes Marieta, & Didacus de Castejon, quorum primus Toletanis Archiepiscopis Sanctorum Hispaniæ catalogum addidit; alter ejusdem Toletanæ Ecclesiæ initium, & incrementa investigavit. Magnam quoque nominis celebritatem adepti sunt in conscribenda quidem Cordubensis Ecclesiæ, ac ejus Præfulum historia Bernardinus de Alderete; in

enu-

enumerandis Episcopis, & Abbatibus Aragonensis regni Martinus Carillo; in describenda regni, atque Episcopatus Jaënsis historia, & demonstrando Christianæ religionis in eodem regno initio, & progressu Franciscus Ruiz de la Puerta; in patefacienda veræ religionis in Toletano regno antiquitate Thomas Tamajus de Vargas; in ostendenda demum Granatensis urbis antiquitate, fideique in ea propagatione Franciscus Bermudez de Pedraza.

Quod si ad nostra hæc tempora descendere lubet, statim se se offert magnificentissimum opus doctissimi, æque ac nobilissimi viri Vincentii Bacallar Sancti Philippi Marchionis, *de Hebræorum Monarchia*, quod qualem, ac quantam solertiam, atque doctrinæ copiam postulaverit, nemo in hoc eruditionis genere exercitatus non videt. Quam vero hac etiam in re laudem promeritus sit Nicasius Secillanus ex ejus celeberrimo de antiquitate Ecclesiæ Toletanæ opere apertissime constar. Quid universalem Ecclesiæ,

siæ , atque orbis terrarum historiam commemorem, quam Gabriel Alvarez de Toletó conscripsit, immensum sane opus , & quod admirari quidem possis, laudare satis non possis. Neque silentio prætermittendus est aut Johannes Facundus Rolin, qui Diamperitani Concilii acta summa cura, multoque studio redegit, aut Franciscus de Prado Equestra Tyruelensis Episcopus, qui canonicam potestatis Episcopalis defensionem typis vulgavit, & Augustinus de Sales, qui historicam, criticam, & apologeticam dissertationem edidit de Calice, in quo Christus Dominus in ultima Cœna consecravit. Quantum autem operæ, laboris, ac diligentiae in sacra conscribenda Historia Henricus Florez collocaverit, iis judicandum relinquo, qui *sacram ejus Hispaniam* vel primoribus labiis degustaverunt. Denique, ut ab aliis non paucis æque excellentibus doctrina viris recensendis abstineam, quantam Ecclesiasticæ Historiæ lucem Hispani Scriptores attulerint ex recenti eru-

ditissimi viri Francisci Perezii de Bajer opere, cui titulum fecit *Danifus*, & *Laurentius Hispanis asserti*, satis omnibus, ut credo, notum fiet, atque com-  
pertum.

Profanam vero Historiam coluit in primis Johannes Mariana, cujus monumenta excellentissima omnium animis, atque ore feruntur. Equis enim ignorat quantum studii, laboris, ac diligentiae contulerit in describendis triginta copiosis voluminibus Hispaniae rebus, aliisque permultis, praestantissimisque operibus? De eximio hoc viro satis sit gravissimi Ecclesiasticorum Annalium Scriptoris testimonium referre, qui de Johanne Mariana scribens, eum compellat veritatis amatorem, pietatisque optimum consultorem, quippe privato affectu carens, accuratissime persecutus fuit, rebusque nostris supremam apposuit manum. Tum Martinus de Roa, qui singularium rerum quinque edidit volumina, in quibus cum ex sacris, tum ex humanis  
lite.

literis multa ex gentium, Hebræorumque moribus  
 luculentissime explicantur; de Cordubæ præterea  
 in Hispania Bætica Principatu, & de auctoritate  
 antiquitateque Sanctorum Martyrum Corduben-  
 sium, nec non de Cordubensi Breviario scripsit sci-  
 te admodum, atque eleganter. Franciscus Diago  
 in latina lingua versatissimus Valentini Regni an-  
 nales summa diligentia conscripsit, tum exactam  
 Cataloniæ descriptionem tradidit, & de antiquis, in-  
 victisque Comitibus Barcinonensibus eximie disseruit.  
 Francisci de Pifa Tolerana Historia quantam ei glo-  
 riam, ac famam pepererit neminem fugit: Hieronymi  
 Pujadis elegantissima Cataloniensis Principatus chro-  
 nica a summis, eruditisque viris maximi semper est  
 habita. Gaspar vero Escolano primam Valentiniæ  
 urbis, ac Regni decadem miro ordine distribuit;  
 ac tres quidem promiserat, quibus se totam Valen-  
 tinæ urbis, ac Regni historiam comprehendere fa-  
 tebatur; verum immatura præreptus morte, cete-

ras nobis reliquit desiderandas. Martinum Carillo silentio prætermittere nefas esset. Hujus opus præstantissimum, quod res omnes continet, quæ in orbe terrarum, ac in Hispano præcipue solo a Mundi principio ad Philippum usque IV. evenerunt, quam improbum laborem, quam acutam ingenii aciem, quantas memoriæ vires, eruditionem qualem; ac quantam expostulaverit norunt omnes, qui conscribendæ historiæ præcepta didicerunt. Jam vero quis ignorat quam docte, quam egregie, diligenterque de Castellæ Regibus, deque vita, gestisque Caroli V. Imperatoris Prudentius disseruerit de Sandoval? Quibus rationum momentis Maurorum Hispaniæ chronologiam, justamque eorum ab Hispaniæ finibus depulsionem demonstraverit vir doctissimus Jaimus Bleda? Qua venustate, elegantiâ, ac diligentia de antiquitate, ac magnificentia urbis Matritensis Hieronymus de Quintana? Quam accurate de Hispani Regni amplitudine, deque ejus

excellētia Alphonſus Carillo Laſſo de la Vega?  
Alphonſus vero Fernandez Placentinus quantam  
ſibi comparaverit laudem, ac famam in referenda  
Placentinæ urbis, atque Principatus hiſtoria, vi-  
deant eruditi. Prætermittendus haudquaquam eſt Ber-  
nardus de Alderete, cujus de variis antiquitatibus  
Hiſpaniæ, Africæ, aliarumque Provinciæ opus  
doctiſſimum, parum commune, & ingenuarum  
eruditionum plenum Langletus nominat. Thomam  
Tamajum de Vargas, Franciſcum Didacum de  
Aynſa, atque Alphonſum Sanchez *Moratalla* notiſſi-  
ma, ac multa, quæ typis mandarunt, opera ſatis  
commendant. Nec minorem ſane conſecuti ſunt  
gloriam Petrus de Roxas, ac Franciſcus Andreas  
de Uſtarroz, quorum primus numeris omnibus abſo-  
lutam Toleti hiſtoriam edidit; alter vero de urbis  
Malen antiquitate, de veteribus Hiſpanis nummis,  
quos D. Vincentius Juan de Laſtanofa in publicum  
protulit, & de Aragonenſium Regum coronationi-  
bus

bus accuratissime scripsit; Didacum de Saavedra Faxardo, quem eruditissimus Struvius virum doctrinæ soliditate, judicio, usu, animoque cordato insignem appellat, nequaquam commemorabo. Neque Josephum Pelljzer de Salas in medium afferam, qui quantum doctrina valuerit, & eruditione quinquaginta, & ultra, quæ promulgavit, opera satis aperte declarant. Ad recentiores jam descendamus: Navariensis Regni annales elegantissime, atque accuratissime profecutus est Franciscus de Alezon. Successionem Philippi V. Hispanæ Coronæ justissimam demonstravit Antonius de Ulloa, & Medina. Gallitiarum Regni annales diligentissime, eruditissimeque tractavit Xaverius Emmanuel de la Huerta. In referenda Hispaniæ historia ab orbis condito ad annum usque millesimum trecentissimum quadragesimum immortalem adeptus est famam Johannes de Ferreras; in enarranda Mauro- rum in Paraguay reductione Johannes Patritius Fer-



Fernandez ; in describenda generali orbis terrarum historia Barnabas de Rebollo; in demonstranda celebris Cantabrie antiquitate Emmanuel de Lara-  
mena. Quali vero, quantaque in luce res omnes Hispanie collocarit Hispana Johannis Francisci Rivarolæ Monarchia, ejusque nobilitatis stemma, norunt eruditi. Post laudatos hosce celebres doctrinæ fama viros merito recensendus Emmanuel Durandus, per quem demonstratum est quomodo, ac quando Hispalensi Regno potitus sit D. Rex Ferdinandus. Tum Antonius Fernandez, qui de Hispano jure scripsit eruditissime; Christophorus Rodrigueç, qui de universali Hispana Poligraphia, quam jubente Rege nostro invictissimo Nicolaus Nasarre publicavit, insigniter est meritus; Franciscus Xaverius, qui parentissimum, utilissimumque exhibuit Hispanie theatrum. Jam vero qualem, ac quantam eruditionem præferat, atque doctrinam chronologicus Marchionis de Mondecar discursus  
super

super anno, quo Hispaniam ingressi sunt Mauri, nemo sanus non videt; quantum etiam salis, leporisque contineant criticæ ejus notæ ad Johannis Marianæ historiam idoneis judicandum relinquo. De viro præstantissimo Marchione Sancti Philippi nihil refero; doctissima ejus, ac plane mirabilia de bellis Hispanis commentaria a millesimo septingentesimo ad Viennensem usque pacem, eum commendant satis. Offerunt se deinde alii, quos inter eminent Paullus Ignatius Dalmassez, Pater Cassani, Antonius Pallomino Vellasco, tum Vincentius Ximen, Joseph de Gumilla, Petrus Morillo; & quis omnes velit commemorare?

Nunc de Hispanis Musis sermo sit, quas in nostris Regnis nec infrequentes esse, neque, ut ita dicam, raucas, & injucundas, quales apud externos ipsæ audiunt, proclive est demonstrare. Etenim quanta mihi dicendi sylva nascitur! Quot occurrunt memoriæ Poëtices amatores! Eorum plurimos orbi universo

verso notos reddidit Gallorum , & Italarum Poëtarum ingenium , quorum studio factum , ut apud suos etiam resonent , quæ illi materna lingua Hispanis decinerunt : Ludovicus Gongoras vates ad exterorum invidiam natus quàmplurima scripsit victa numeris volumina , in quibus ingenii sublimitatem maxima cum perspicuitate ( quæ certe rara est Poëtarum virtus ) mirum in modum conjungit . Quare inter eos , qui tunc temporis Poëticam disciplinam excolebant , primum locum obtinere creditur vir ille præstantissimus Lopes de Veca Martirensis , quem exemplo suo confirmasse illud crediderim , quod , ut ajunt , Rhetorem fieri , Poëtam autem nasci oporteat . Dictavit jam aliis versus , si fides Nicolao Antonio adhibenda , nec dum puer , scilicet cum ei manus formandis literis non adhuc sufficeret . Illum autem Hispana comœdia principem agnoscat necesse est ; nullus enim , vel qui ante ipsum , vel qui postea vixerit , inter tot ingenio

& eruditione præstantes viros, munditiam, proprietatemque comici sermonis, quam is adsecutus est, æquare potuit; quum ipse unus Poëtarum fere omnium Comicorum, quorum apud nos vigeat memoria, luminibus obstruxisse videatur. Mille, & octingentis editis comædiis præter innumera, quæ composuit, acta sacramentalia, ut Hispani vocant; seque, suamque patriam, quasi amplissimis monumentis, consecravit. In tanti viri obita tenere lacrymas non potuerunt tam Hispanæ, quam Italæ Musæ, quæ dulcissimo concentu tam cari capitis desiderium significarunt. Alphonsum Hieronymum Salam nemo, nisi excellens orator, laudare pro dignitate possit; ejus autem sermonis character est præsertim urbanitas, ingeniumque minime infectum. Eodem fere tempore, quo Heroas illos admirata Hispania est, alios quoque haud obscuri nominis Poëtas ex se genitos, feliciterque educatos vidit, nec sine ingenti gratulatione; quales fuere

Jo-

Johannes Perez de Montalban, Ludovicus Velles de Guevara, Emmanuel Salinas. Porro his merito adjungendus est Franciscus de Quevedo, cujus nomine nullum fortasse dulcius, jucundiusque Musis fuit. Quantus ille fuerit satis testantur quæ plurima sunt relicta posteris excellentis ingenii monumenta, scilicet Sanctorum gesta, Christianæ politicae dogmata, insignium Ducum victoriæ, quas tam commode, concinne, eleganter, copioseque scripsit, ut in ejus libris commendatione dignius nescias quid. Neque omittendus est Petrus Calderonius de la Barca: certe inter primi subsepii Poëtas clarissimum hunc virum adnumerandum nemo unus, qui ejus libros legerit, inficiabitur, præsertim si acta, quæ vulgo sacramentalia vocantur, diligenter examinet; in quibus neque in inveniendi acumen, nec in disponendo ratio, neque in ornando aut venustas, aut nitor, aut majestas desiderantur. Alios adhuc, & prope innumeros produxit Hispania superiori sæ-

culo Poëtas; neque Auctores pœnitendi sunt Antonius de Solis, Laurentius Gratianus, Agnes de Sancta Cruce, Americana illa quidem, sed Hispanis prorsus imbuta moribus, atque institutis, eodemque sermone usa; quæ quum a teneris usque annis inter sacras Virgines Deo se unice devoverit, exemplo suo docuit cum eximia vitæ sanctimonia omnigenam etiam eruditionem, poëticamque virtutem posse componi. Neque infimus inter comœdiarum Scriptores locus debetur Antonio de Solis, cujus opera nec toties excussa typis fuissent, nec cupide adeo, ut sit, legerentur, nisi esset in iis, quod admodum & prodesset, & delectaret. Laurentium vero Gratianum quis non item vehementer admiretur, qui quatuor anni temporum quasi effigiem vivis adeo coloribus depinxit, ut spirare omnia videantur.

Nunc de Poëtis illis, qui nobiscum simul, & inter nos vivere, pauca etiam dicenda sunt; non-

uni-

unicuique tamen tribuero laudem suam. Hæc est Principum in arte aliqua conditio, ut quæ unam exornant dotes ejusdem artis peculiares, in ceteris etiam nequaquam desiderentur. Satis igitur sit recensuisse Josephum Negrete, Franciscum Ruiz de Leon, Josephum Vellazquez, Ludovicum Loffadam; in his autem omnibus collecta demiraberis summa illa decora, quibus immortalitatem nominis consecuti sunt Boccaccius, Petrarcha, Quarclaffus, Queredo. Injustus merito videat, si hujusmodi Poëtarum catalago finem impositurus præteream Augustinum de Monteano, virum profecto, quem ad omnia summa natum dicas; Auctor hic præclarissimus luculentissimam in theatrum, & Hispanas trægédias dissertationem edidit, in qua si omnia expendantur circa rem poëticam, se magistratum exhibet. Accuratissimum hoc opus statim ac Lutetiae Parisiorum agnitum fuit, tot Auctori suo comparavit laudatores, quot numerat alumnos celebres

lebris Academia, quæ vulgo *inscriptionum*, & *humaniorum literarum* appellatur. Solam hujusmodi dissertationem ad probandam Hispanorum literaturam satis superque esse Authores isti dixerunt vel in suis, quas sub memoriarum nomine in vulgus edere solent, orationibus; eaque os obstrui obtrectatoribus nostris plane arbitrantur, moti scilicet, ut ipsi ajunt, tum Hispaniæ, tum literarum, scientiarumque amore. Sed quum probe sciam Monteanum nostrum virum modestissimum facere digna laude, quam laudari malle, calamum cohibeo, & ad alios progredior.

Quod superius promisi, me scilicet ante hujusce dissertationis finem nonnullorum ex Hispanis viris daturum indicem, quibus rei antiquariæ amor, atque ornatioris eloquentiæ studium immortalem peperere honorem, ac gloriam tum apud nostros; cum apud externos, illud dum cupio persolvere, atque adimplere, sorti meæ magnopere gratulor,  
quod



quod plures numero , & dignitate satis conspicui occurrant in Hispano solo progeniti homines , qui totis ingenii sui , quo summo acerrimoque pollebant , & nunc etiam pollent , viribus laudatas excoluerunt disciplinas . Commemorare procul dubio possem innumeros ; veruntamen brevissimi admodum temporis coactus angustiis nonnullos tantum citissime referam , quorum laudes , ac merita tot sunt , ac tanta , ut pro millenis sufficere mihi posse videantur . Hos inter celeberrimos doctrina viros emittit superiori seculo Nicolaus Antonius , cujus Hispana Bibliotheca , & eximia alia permulta , quæ typis mandavit , opera omnium ore , ac linguis commendantur ; tum Laurentius Zamora , Johannes Mariana , Vincentius Marinerius , Johannes Andreas de Ustarroz , Vincentius Johannes de Lastanosa , Vincentius Gonzalez de Avila , Ægidius González de Avila . Nostra vero hac ætate Emmanuel Marti , de cujus meritis loqui mihi esset nefas , quum de hac

re

re integrum ediderit librum celeberrimus Marchio Maffei; dein Aloysius Josephus de Villafquez, Jo-  
hannes Martinez de Sala franca, Gregorius May-  
nius, Blasius Nazarte, Ignatius Luzan; quorum  
pleni sunt omnes libri, plenæ sapientum voces.  
Hos denique, ut eruditus habet vir:

*Conspicuos meritis, redimitos dotibus almis*

*Fama viros profert, gloria ubique refert.*

Neque hoc loco prætereundum quantum no-  
stris hominibus ad recte scribendum, patrique  
sermonis nitorem servandum profuerit Hispana  
Academia præstanti sane commentario de Orthogra-  
phia, de quo præclare sentit auctor diarii Parisiensis  
rei literariæ apud exteros fortunam complectentis;  
cujus nonnullas hanc in rem sententias operæ pre-  
tium erit in medium afferre: „linguæ, inquit, ver-  
naculæ literarum cultu perficiuntur, quarum pro-  
gressus omnino sequuntur. Hispanæ linguæ fors ea-  
dem futura est, atque nostræ; scilicet, qua ætate

am-

amplissimis præmiis, & hortamentis, Principisque voluntate, ac munificentia liberales disciplinæ omnes cum severiore criticis studio, atque politiorum artium exquisito gustu conjunctæ progressus eos habuerint, quo jure expertes ab ingeniosissimis hominibus, & ad præstantissima studia natura ipsa comparatis, lingua maturitatem veluti suam, & abso-  
lutionem adeptura est, illaque merito dicetur æras literarum. Non minus jam Philippi V. Ferdinandique VI., quam Ludovici XIV. seculum celebrabitur, quodque Gallis decimumseptimum fuit, Hispanis futurum est decimumoctavum. „

Atque ex his quidem verbis clarissimi auctoris luculentum mihi videtur argumentum depromi posse quo plane demonstrarem Hispaniam literis floruisse vel illis ipsis temporibus, quibus visa est exteris imperitis omnino hac luce caruisse. Nimirum illud exploratum omnibus, perspectumque est eandem semper observatam fuisse in linguis, atque in litera-

rum cultu progressionem , ac linguas , quæ copiam ,  
 varietatem , nitorem , elegantiam , urbanitatis flo-  
 sculos ac lepores habeant , quæ se facile ad omnem  
 styli rationem accommodent , non nisi apud eos  
 populos vigere , qui literas colant , ut ex cultu ipso  
 literarum eas opes , & copias , ceteraque ornamen-  
 ta mutuari omnino videantur . Quam vero xvii.  
 ineunte seculo Gallorum linguam incultam adhuc ,  
 horridamque fuisse ipsi Galli ultro consententur , pro-  
 cedente illa ætate Ludovici XIV. munificentia , cla-  
 rissimorum virorum admirabili copia , & conspi-  
 ratione , incrementum , & absolutionem uno velut  
 impetu accepisse . Patrium autem sermonem no-  
 strum prorsus constat cum Italicæ linguæ copia ,  
 majestate , nitore , vel ab illis temporibus , conten-  
 disse , quibus Italia præstantissimis Scriptoribus ma-  
 xime abundavit . Quod quidem quum sine opéra  
 literatorum , ac vere sapientium virorum fieri ne-  
 quaquam potuerit , magno argumento , ut dixi ,

exte-

exteris hominibus esse debet, nusquam apud nostros defuisse, qui bonarum artium studia maximo cum fructu excolerent.

Ac recensui quidem hactenus quam brevissime complures ex nostris Scriptoribus, qui sapientiæ laude in primis excelluere, secutus aut ordinem temporum, aut genera Doctrinarum, ut ostenderem omni ætate in Hispania assidua quidem, magnaque animorum contentione excultas fuisse ingenuas quasque artes, ac disciplinas. Neque sum nescius a me longe plures iis, qui enumerati sunt, fuisse præteritos; quod hoc loco admonere abs re certe non erit, ne quis aut nostrorum hominum queratur omissos forte aliquos eorum, quos ipse valde probeat, aut quisquam exterorum putet id, non consulto potius a me factum esse, verum ea duntaxat de causa, quod plures non supplerent, quos nominarem. Ceterum haud ego arbitratus sum ad conficiendum id, quod propositum erat,

instruendam esse quodammodo Scriptorum omnium Bibliothecam , sed meam me abunde liberaturum fidem , si tantum ejus literaturæ , quæ in florentissimo Hispaniæ regno nullo non tempore viguisset , velut specimen aliquod exhiberem ; neque enim unus , aut alter modo excellens vir , eximiaque doctrina adprime instructus sua quisque ætate existere potuisset , nisi apud suos in maximo pretio literæ fuissent , vehementique animorum ardore prorsus excultæ : neque si exiguus esset Scriptorum numerus , invicte inde concludi posset jacuisse omnino studia literarum : potuit enim id contingere , quod non quicumque opera in vulgus edere , suumque nomen commendare posteritati posset , eam inde gloriolam sibi quærendam existimaret quod quidem esset gravitati , non inertię tribuendum .

Nunc refellenda jam nobis est eorum calumnia , qui rerum nostrarum rudes prorsus & imperiti

riti non verentur plena religionis, & æquitatis instituta reprehendere, quasi barbaries per ea in Hispaniam inducta esset, ac tuta undique permaneret. Neque vero gravissimi hujus criminis aliud argumentum proferunt, nisi quod eis institutis propter superstitiosam quamdam, ut ajunt, in majores reverentiam, non licet a receptis veterum opinionibus recedere, omnisque adeo aditus ingeniis præcluditur ad nova tentanda, quibus artes, ac disciplinæ incrementum accipiant; impeditque adeo novitatis timore animi vires, ardoremque remittunt, ac velut læthargo correpti torpescunt. Atque hoc quidem non tam argumentum, quam deliramentum inanissimum esse constabit, si modo placet definire, quæ ratio libertatis ad bonarum artium, ac disciplinarum progressum maxime requiratur, quæ contra officiat.

Equidem ubi de rebus agitur, quæ in utramque partem probabiliter disputari possunt, quæ neque  
san.

sanctissimæ religionis decretis , neque morum præceptis , neque Reipublicæ constitutis juribus adversantur , fateor par esse ingeniis expeditam facultatem relinquere nova moliendi , vetusta instaurandi , aut in melius immutandi , inchoata perficiendi . At vero hanc facultatem nusquam nostris ademptam fuisse clarissimi scriptores demonstrant , qui maximo rei literariæ emolumento ea usi sunt . Hos inter Melchiorem Canum repetere juverit . Quam graviter iste , quam moderate , quam vere Aristotelis summi ceteroquin Philosophi in Theologicis disputationibus dominatum , non nostratium lege aliqua , sed præjudicata omnium fere gentium ejus ætatis opinione confirmatum , excussit , ac depulit ; ut proinde ille inter primos egregiis suis scriptis non Theologiæ tantum , verum & reliquis disciplinis critices lumina , pristinumque adeo nitorem restituisse visus sit . Impiam vero , audacemque licentiam sacra omnia turbare , susque , deque



que vertere molientem quis sanus existimet ad bonarum artium profectum aliquid momenti habere, non eamque potius velut perniciem, & exitium portendentem viribus omnibus comprimendam arcendamque constituat. Omnem ad hanc effrenem licentiam aditum, religiosus ubique hauc in rem constitutis tribunalibus, praelusum sibi fuisse non minus gaudet, gratulaturque Italia, quam Hispania. Nec minus tamen Italia omnium fere nationum consensu bonis artibus mirifice semper floruit. Sed prorsus illud rem mihi conficere videtur, quod si apud nationes, quæ nullum tale sibi jugum, ut vocant, impositum inaniter gloriantur, præclarissima spectabimus ingenii, doctrinæque monumenta, quibus se plurimum in scientiis profecisse demonstrarunt, nullum occurrer, quod ex ea immoderata cogitandi, scribendique licentia profectum videri queat.

Præ-

✠ LXXXVIII. ✠

Præstantissimi apud Gallos Poëtæ habentur, omniumque linguis celebrantur Corneliî fratres, Raciniî Bœlæus, quibus pares, Gallis prudentissimis Parentibus, nondum sequens ætas extulit. Illi tamen cum facultate poëtica non religionem modo, verum etiam modestiam, ac verecundiam egregie conciliarunt. Nil præstantius Bossuetti sermone de Historia universa, ut Polemica contra Heretodoxos ejus opera præteream, nil ejus viri orationibus eloquentius; nec tamen ad hæc immortalia opera juvari sane opus habuit illa licentia, quam recentiores nonnulli tantopere adamare, tantoque in pretio habere videntur. Neque ex illa vires sumpsit Bortaluvii eloquentia, aut Flechierii, aut Massillonii, qui præstantissimi ejus gentis Oratores habentur. Actis porro Parisiensis Academiæ, ut & aliarum ejusdem generis, & instituti continentur quæcunque ad naturalium disciplinarum progressionem proxime superioribus temporibus a maximis inge-

ingeniis inventa, aut expolita fuere; nil eorum tamen reperies, quod non perinde apud nostros scribere, ac proferre licuisset. Contra, si oculos convertimus ad innumerabiles illos, uberrimosque fœrus, qui ex impia illa scribendi licentia prodierunt, quid tandem ex his bonæ frugis ad literarum proventum colligi poterit? Quid, quæso, profuerunt Persicæ literæ, Judaicæ, Cabalisticæ, aliique hujus furfuris exitiosissimi libelli? Irident recentiores haud pauci patrum suorum inscitiam, quibus vehementer placebant Amadisius Gallus, Orlandus, Cyrus Magnus, aliaque pretii ejusdem volumina; nec advertunt pejore se in errore versari, qui magnopere amant, laudantque futes commentationes religioni, ac moribus adversas, ægrorum somnia, & portenta delirantium. Neque hæc solum nil conferunt ad literarum cultum, verum plurimum obfistunt, non secus atque luxuriantibus noxiis herbis præfocari optima semina interdum,

.M

dum,

dum , camposque ipsos vitari cernimus . Et sane , ut natura rebus ipsis creandis , atque fingendis , quibus hæc pulcherrima Universitas efflorescit , constantissimas quasdam leges sequitur , ita etiam industria humana suis perficiendis operibus certis quibusdam regulis adstricta sit oportet , quibus & numerum , & pondus , & mensuram tribuat rei eique aptam , & congruentem ; itaque nil unquam perfectum , numerisque omnibus absolutum ab homine proficisceretur , cujus ingenium constanti cui-dam cogitationum ordini obnoxium , adsuatumque non plane fuerit . Hujus autem constantiæ vestigia omnia pervertit effrenis illa , quam nonnulli inducere vellent , cogitandi , scribendique licentia . Quocirca multas , immortalesque gratias Hispani debemus supremo Quæsitorem fidei Concilio , qui admirabili providentia teterrimam pestem illam dudum a cervicibus nostris depulerunt . Quorum curæ omnes , & consilia eo evigilant , ut ab Hispaniæ

niæ finibus arceantur , nec unquam succrescant ;  
 quæ avitam gentis nostræ plenam dignitatis con-  
 stantiam , gravitatem , atque in sanctissima religio-  
 ne castè , fideliterque retinenda pietatem , & fidem  
 contaminare possunt . Nobis vero hoc tempore pò-  
 tiori jure lætandum est , gravissimo huic muneri  
 virum amplissimum præesse non tam dignitate ;  
 quam virtutum omnium splendore spectatissimum .  
 Ille scilicet , quum Philippum Parmæ , ac Placentiæ  
 Ducem ad bellum Italicum , conscientiæ ejus mo-  
 derator , comitatus esset , quas Urbes , & Provincias  
 Hispani *armis late obtinuerunt* , virtutum suarum ad-  
 miratione complevit ; quarum adhuc memoriam  
 suavissima repetunt commemoratione , quod ego  
 sæpe numero non sine maxima voluptate abs  
 regionum illarum hominibus testatum audiui .  
 Non ego tantum mihi tribuo ; ut amplissimi Præ-  
 sulis promerita vel commemorando percerere va-  
 leam , nedum ornare dicendo . Tantum hoc re-

censendam duco , quod plurimum facit ad bonarum artium, ac disciplinarum decus, & ornamentum, eoque nomine ad præsens meum institutum pertinet , ejus præsertim opera , quem Rex Augustissimus adsciscere sibi voluit earum rerum acerrimum , æquissimumque æstimatorum , illud apud nos perfectum esse, quo nil à Principis viri laudem magnificentius dici potest, deque Innocentio XII. Pontifice Maximo Gravina prædicavit , ut meritis fors honorum accederet.

Nunc vero si quis exquirat , quid causæ sit cur in tanta bonorum auctorum copia , qualem paullo ante descripsimus , Hispaniæ res literaria minus , quam reliquarum gentium, proximis superioribus ætatibus populari gloria floruerit , multas ejus rei causas afferre possum . Primum Hispani scribendis libris solidæ gloriæ , utilitatise publicæ fructum plerumque sequuntur , non inanis existimationis auram , non lucrum ex foliorum mercimonio . Itaque non  
 infi-

infiniti libri apud nos eduntur, ex eorum præfer-  
tim genere, qui de rebus gravissimis compendiaras  
institutiones pollicentur, quas legere ad fallendum  
otium vel mulierculæ ipsæ valeant; adeo nihil in  
ipsis est, quod studium, contentionem, defatiga-  
tionem animi requirat. His tamen libellis evolven-  
dis multi sibi beatissimi videntur, quod, licet nul-  
lam vere sciendi, saltem uberrimam loquendi fa-  
cultatem acquirant, viros clarissimos nominent, eos  
inter se conferant, quanti quisque sit quasi libratis  
ponderibus æstiment. Nemo porro ignorat ejusmodi  
libellorum copiam, qui propter intelligendi faci-  
litatem, & adscititios quosdam lepores, ac veneres  
dicendi omnium manibus teruntur, plurimum con-  
ferre ad vulgarem famam literarum genti alicuj  
conciliandam. Ejusmodi porro commendatione ad  
gloriam tandiu carere se se Hispani æquo animo  
patientur, quandiu librorum auctores esse volent,  
non editores; nec eos invadet infestum illud scri-

bendi cacoëthes , quod semper visum est optimo  
 statui literarum perniciem , exitiumque portendere.  
 Deinde plurimum sane conferunt ad celebritatem  
 diaria tantopere hisce temporibus & propagata ,  
 & repetita . Hisce vero Hispani hæcenus ca-  
 ruerunt . Neque admodum pro sua gravitate , &  
 constantia curarunt libros suos ad exterorum dia-  
 riorum Auctores deferri , quo ab his & operis pu-  
 blicam commemorationem , & emendicatas laudes  
 impetrarent . Illi autem diariorum Scriptores non  
 alios fere solent libros perconsere , quam qui ad  
 hos mittuntur ab Auctoribus . Iniquum enim pro-  
 pæmodum foret ab illis expectare , ut suis sumtibus  
 eam librorum copiam sibi pararent , quorum no-  
 titiam suis diariis inferunt . Hanc prope causam  
 pridem jam notavit Polyhistor Morhofius tom. lib.  
 14. c. 9. §. 18. , cuius pauca hæc verba subijciemus:  
 „ cetera Hispani nec pauci , nec iusta , aut exquisi-  
 ta eruditione destituti scribuntur : verum raro ad-  
 modum ad nos isti libri perveniunt. „



Tertia superest causa, cur minus apud nos etiam celebrata fuerint hoc ineunte seculo studia literarum. Certe ut literis, atque literatis hominibus nil optabilius esse potest florentissimæ pacis oriq; honestissimo, ita bellorum sævitia nil inimicum magis, nihil infensius; hostibus enim regionem invadentibus, agros depopulantibus, civitates vastantibus, difficile admodum est eam retinere quietem animi, & constantiam colendis cum fructu literis adeo necessariam. Inter hos armorum strepitus, in magna rerum omnium turbatione per multos annos Hispania hoc ineunte seculo versata est nullam non experta belli calamitatem, que quidem tempore Hispanorum magis virtutis fuit rebus fortiter, ac præclare gestis suppeditare aliis conscribendæ historiæ materiam, quam ad colendas mitiores literas patriæ deesse. Et quidem non sine Dei optimi maximi beneficentissimo consilio putandum est evenisse, ut quæ causa erat belli iustissi-

stissima, & cum Hispanorum felicitate conjunctissima, qua Philippus Borbonius Regnum sibi & sanguinis juribus, & Regis Denati voluntate, & populorum votis delatum necessariis armis vindicabar, tandiu inter varios fortunæ casus incerta, & dubia fluctuaverit, ut nimirum optatissimam Philippi victoriam, pacatissimos triumphos, paternumque imperium tanquam diuturnæ, ac stabilis felicitatis pignora, supremi Numinis benignitate, sibi tributa populi agnoscerent, gratoque animo prosequerentur. Quod vero pulchre animadvertit Gallus scriptor clarissimus, collatis inter se Augusti, & Ludovici Magni seculis, causam utrique seculo communem fuisse, cur ad summum perfectionis apicem bonæ artes, ac disciplinæ proveharentur, quod scilicet post longos bellorum tumultus Principes illi, pacatis rebus, animos discordiis civilibus vehementius concitados, & audientiores effectos toto impetu ad bonarum artium

tium, & disciplinarum studia traduxerint, illud etiam Philippo V. regnante Hispaniæ obtrigisse jure nobis est gratulandum, cujus optima instituta cum Ferdinandi VI. admirabili sapientia, & providentia non solum retineantur, augeanturque, sed novis etiam, atque perfectioribus cumulentur, merito sane Philippi V., & Ferdinandi seculum Augusti, & Ludovici ætatibus exterorum confessione, & plausu adnumeratur, totaque posteritate ad literarum decus, & gloriam celebrabitur.

Celeberrimos demum invitus cogor silentio prætermittere Hispanos Scriptores, qui ætatem recentem hanc nostram, non sine magna nominis sui commendatione, illustrare adhuc pergunt. Non alia de causa id fateor evenisse, nisi quia angustiis temporis pressus alibi vocor; verumtamen ne tantis Viris vel levis afferatur injuria, tum  
ut

ut Hispanicæ Telluris decus magis magisque inno-  
rescat, illorumque præjudicia dispellantur, qui  
nimis veritati contrariam sententiam suam protu-  
lere, hoc idem novas resumens vires quamcitus  
executurum confido.



Imprimatur. Vicarius Generalis S. Officii.

V. Franzini A.A. L.L. Præses.

Se ne permette la Stampa,

DI PRALORMO per la GRAN CANCEL-  
LERIA.

VAI 1507535

1

2

3

4



15





150  
F  
22

